



74
6640
86



74
6640
86



五禮通考卷第二百二十六

內廷供養禮部侍郎會纂蕙甫編輯

翰林院編修嘉慶大昕

參校

李天保總纂蕙甫撰桐城方觀承訂

賓禮七

諸侯聘于天子

蕙田案周禮大宗伯大行人俱有時聘殷頰之禮王制亦云諸侯之于天子也比年一小聘三年一大聘故周禮有大賓大客之分大賓謂諸侯來朝大客謂諸侯使卿大夫來聘也先王之於諸侯既酌六服之近遠而定為朝覲之期猶懼上下之情不浹也又於其間使其卿大夫奉幣入聘以結諸侯之好且以觀其卿大夫之賢否以故六服之遠如在一

五禮通考卷第二百二十六 諸侯聘于天子

木下中也
寄贈

91-0763



家而無猜嫌跋扈之患後之儒者勅謂諸侯無聘天子之法而以周官之聘覲為天子遣使侯國之事夫天子於侯國尚有徧存徧覲徧省之使而諸侯自朝覲以外無一介行李聘于天子曾謂古者有此體制乎儀禮有諸侯邦交之聘禮而聘于天子之禮則無之今據經傳諸文以存其略至其儀節之次第則杜氏通典據侯國聘禮推而得之頗有條理今並錄之

周禮春官大宗伯時聘曰問殷頰曰視

注時聘者亦無常期天子有事乃聘之焉竟外

之臣既非朝歲不敢積為小禮殷頰謂一服朝之歲以朝者少諸侯乃使卿以禮眾聘焉一服朝在元年七年十一年一疏時聘無常期天子有事乃聘之者上時見是當方諸侯不順服其順服者當方盡朝無遣臣來之法其餘三方諸侯不來諸侯聞天子有征伐之事則遣大夫來問天子時聘遣大夫不使卿者按聘禮小聘曰問使大夫此經云問使大夫也一服朝之歲諸侯既不自朝明使卿來聘天子故稱殷殷眾也若殷見然聘禮大聘使卿此既諸侯使臣代以來明不得

使大夫故知使卿也云一服朝在元年七年十一年者以候服年年朝每服二年朝四年朝六年朝八年朝十年朝十二年朝從天子巡守是每服於元年七年十一年無朝法是使卿殷頰也身服三年朝六年朝九年朝十二年朝天子巡守於元年七年十一年亦無朝法是亦使卿以大禮聘天子也采服四年朝八年朝十二年從天子巡守則元年七年十一年亦無朝天子法是亦使卿以大禮聘天子也衛服五年朝十年朝則元年七年十一年亦無朝天子法是亦使卿以大禮聘天子也要服六年朝十二年從天子巡守則元年七年十一年亦無朝天子法是亦使卿以大禮聘也

秋官大行人時聘以結諸侯之好殷頰以除邦國之懸

此二事者亦以王見諸侯之臣來使者為文也時聘者亦無常期天子有事諸侯使大夫來聘親以禮見之禮而遣之所以結其恩好也天子無事則已殷頰謂一服朝之歲也懸猶惡也一服朝之歲五服諸侯皆使卿以聘禮來朝天子天子以禮見之命以政禁之事所以除其惡行

易氏祓曰或謂聘類即下經徧存徧覲徧省之事乃天子遣使以撫邦國諸侯然大宗伯以此二事為賓禮而此職亦有大客之儀則知非天子遣使之文注義固不可破也

欽定義疏邦國有交相惡者當眾聘其國卿皆在故論使解除

不行人凡四方之使者大客則擯小客則受其幣而聽其辭注擯者擯而見之王使得親言也受其幣者受之以入告其所為來之辭事 疏大客要服以內諸侯之使臣也小客謂蕃國諸侯之使臣也

存頰省聘問臣之禮也蔡氏德晉曰大客孤卿也小客大夫士也受其幣而聽其辭以其來之意轉告于王王不親見故也

蕙田案後儒以經文聘問與存頰省並稱遂疑五者皆天子遣使而諸侯無上聘天子之法賈疏分別言之極明

禮記王制諸侯之於天子也比年一小聘三年一大聘注比年每歲也小聘使大夫大聘使卿此晉文霸時所制也 疏按昭三年左傳鄭子太叔曰文襄之霸也其務不煩諸侯令三歲而聘五歲而朝故鄭云晉文霸時所制也

陳氏禮書輕財重禮交人之道也聽命達言使者之事也三輔人語輕財曰聘則聘之為義可知矣古者比年小聘三年大聘小聘曰問大聘曰殷既歲聘矣

中復盛聘此周禮所以言殷相聘春秋傳所以言殷聘禮也左傳曰先王之制諸侯之喪士弔大夫送葬唯嘉好聘饗三軍之事于是乎使卿則小聘之問雖不饗有獻不及夫人主人不筵几不禮面不升不郊勞其禮如為介三介然則小聘蓋亦卿爾以其與君為禮也鄭氏曰小聘使大夫其說無據聘雖有國者之禮而其下亦有焉故凡聘女曰聘問人曰聘是也春秋書王臣來聘八諸侯之臣來聘二十有五或稱名或稱字或稱弟或稱公子或稱公孫或稱人或不稱氏或不言使其褒貶輕重各稱其事非可以一端求也

中庸朝聘以時

朱子章句聘謂諸侯使大夫來獻王制比年一小聘

三年一大聘

右聘覲名義

周禮考工記玉人琢圭璋八寸璧琮八寸以覲聘注琢文

視也聘問也眾來曰頌特來曰聘 疏此謂上公之臣執以覲聘用圭璋享用璧琮於天子及后也若兩諸侯自相聘亦執之侯伯之臣宜六寸子男之臣宜四寸

蕙田案此條論聘覲所執圭璧

秋官大行人凡大國之孤執皮帛以繼小國之君出入

三積不問壹勞朝位當車前不交擯廟中無相以酒禮

之其他皆眡小國之君注此以君命來聘者也孤尊既聘享更自以其

聘之禮每國畢乃前不交擯者不使介傳辭交于王之賓繼小國之君言次之也朝相介皆入門西上而立不前相禮者聘之介是與以酒禮之酒謂齊酒也廟中無用鬱鬯耳其他謂貳車及介牢禮賓主之間擯者將幣祿酌饗食之數 疏按典命上公之國立孤一人侯伯已下則無故云大國之孤也趙商問其他眡小國之君以五為節下云諸侯之卿各下其君二等注云公使卿亦七侯伯亦五子男三不審大國孤五而卿七何答曰卿奉君命七介孤尊更自特見故五介此有聘禮可參又問孤出入三積此即與小國同宜應視小國之君何須特云三積與例似錯答曰三積者卿亦然非獨孤也故不在視小國之中然則一勞者亦見卿亦然故須見之知孤既聘享更自以其贊見者若行正聘則執圭璋八寸以行聘何謂執皮帛也但侯伯已下臣來使無此更見法以大國孤尊故天子別見之也諸

侯行交擯者使介傳于王擯傳而下又傳而上是也親自對擯者聘禮賓來在末介下東面上擯亦至末擯下親相與言是也聘禮賓行聘之時擯者納賓賓入門左介皆入門左北面西上注云隨賓入也介無事止於此是介人廟門西上不相者也彼諸侯法約同天子禮故云與以疑之

蕙田案此聘問禮畢別以摯見于天子之儀

惟大國之孤為然其餘則否所以尊孤卿也

卿大夫聘于王朝亦當有私覲之禮但禮文

不具耳

凡諸侯之卿其禮各下其君二等以下及其大夫士皆

如之注此亦以君命來聘者也所下其君者介與朝位賓主之間也其餘則自

以其爵聘義曰上公七介侯伯五介子男三介是謂使卿之聘之數也朝位則上公七十步侯伯五十步子男三十步與 疏大夫士皆如之者

蕙田案此條王朝待聘使陳介牢禮降殺之

等

禮記王制次國之上卿位當大國之中中當其下下當

其上大夫小國之上卿位當大國之下卿中當其上大

夫下當其下大夫

注此諸侯使卿大夫類聘並會之序也其爵位同小國在下爵異固在上耳疏經文既稱大國小國大小並

在則非是特來故知使卿大夫類聘並會也云其位爵同小國在下者爵同謂同作卿也據經文小國卑于大國故知小國之卿在大國之卿下云爵異固在上者謂大國是大夫小國是卿則經云小國之卿位當大國之上大夫是小國之卿爵異于大國之大夫其爵既異固當在大夫之上必知爵異小國在上者以其卿執羔大夫執雁使卿希冕大夫元冕故知小國之卿不得在大國大夫之下也

其有中士下士者數各居其上之三分

注謂其為介若特行而並會也居猶當也此據

大國而言大國之士為上次國之士為中士小國之士為下士之數國皆二十七人各三分之上九中九下九以位相當則次國之上士當大國之中士當其下小國之上士當大國之下士非命士亦無出會之事春秋傳謂士為微疏為介者若聘禮士介四人是也若特行則隱元年及宋八盟于宿是也本國出使是行至他國與諸國並會也中士中國之士下士下國之士經雖無上士之文以中士下士類之則上士為大國之士也

蕙田案此條聘使班位之次

曲禮列國之大夫入天子之國曰某士自稱曰陪臣某

注謂諸侯大夫三命以下於天子為士曰某士者如晉韓起聘于周檜者曰晉十起疏列國五等諸侯也天子上士三命下士一命而五等之臣惟公國一孤四命耳自卿大夫從三命以下其命等于王之士故入天子之國檜者稱為某國之士也自稱曰陪臣某陪重也其君已為王臣今又為己君之臣故自稱對王曰重臣也

蕙田案此條聘使稱謂

通典周制諸侯遣使聘天子皆以卿為使大夫為上介

士為眾介公介七人伯五人子男三人將行之朝朝服捧幣于禰

告為君然後釋幣于行在廟門之外也介及眾介皆從遂受命于

朝受聘珪享束帛加璧二王之後公使則享用珪也次受夫遂行至

天子畿更張旛示有事于此先謁關人關人報王使請事遂導

以入若公之孤則三積一問一勞至郊迎張旛而入王使大夫授館遣人致飧將行聘

之前皆遣人授舍于文王廟門外行聘之朝釋幣于禰

服冕服乘車建旛至大門外下車王服皮弁服受聘賓時

亦服皮弁服受訖王更服服衰冕入廟當展而立賓入次改服

裨冕而入士介皆隨賓後入行享于廟亦升堂進玉王

前撫之亦行三享王禮之出廟門更行私覲之見王出

至大門內使問其君及勞聘賓還館主人致饗餼明日

發幣于公卿然後受饗受燕而還王亦使送出境其儀與還之禮同

薛氏禮圖諸侯聘天子之禮凡聘皆使卿為主大夫為介士為眾介使介之數各下其君二等將行之旦朝服釋幣于禰告君然後釋幣于行上介及眾介皆從受命于朝聘主授享束帛加璧二王之後享王用圭后用璋五等諸侯享王用璧后用琮既受遂行張旛出國舍于郊明日斂旛行至王畿更張旛先謁關人關人報入王使請事遂導以入若公之孤則三積不問一勞至近郊張旛而行王使大夫授館致館又遣人致飧將行聘之前使者遣人受舍于文王廟門外行聘之旦朝服釋幣于禰服冕服乘車建旛至于大門之外使者朝位步數亦下其君二等下車孤北

面立卿則車前五步介皆陳于西北東面王待之擯數皆如其君也春夏時王乘車而迎至大門內上擯立于門外西面承擯以下繼之而立皆西面末擯末介相去三丈六尺交擯不傳詞上擯揖前傳詞訖王則不出門賓入大門之內見王初入門賓之上介拂西根士介拂闌乃從王入庫門則止一相士介從上介而上至次若秋冬時王不至大門之內迎賓其朝享併受之于廟其介及擯陳設之儀如王迎之儀但上擯帥之而入也賓既入次王則服皮弁受聘于朝時賓亦皮弁受玉訖然後更服冕服入廟當展而立賓入次改服裊冕而入士介皆從賓而入享于廟升堂進玉于上前王撫之亦行三享王禮之出廟門更自以其贄束帛豹皮表之為飾繼小國之君後而入

見送行私覲之禮見王出至大門之內使問其君及勞賓也聘訖還館致享餼明日發幣于公卿后以致餼公卿得幣皆有禮于賓也然後受享受食受燕而還王亦使行人送至館其還王之儀與諸侯相聘還王之禮同

蕙田案杜氏薛氏所述周制蓋據儀禮諸侯相聘之儀節參校而得之

右聘規儀節

春秋僖公三十年冬公子遂如京師遂如晉王如京師報宰周公左氏傳東門襄仲將聘于周遂初聘于晉宣公九年夏仲孫蔑如京師左氏傳王使來徵聘夏孟獻子聘于周王以為有禮厚賄之襄公二十四年冬叔孫豹如京師左氏傳穆叔如周

聘王嘉其有禮也賜之大路

蕙田案春秋書內大夫如京師者七文元年叔孫得臣以拜錫命文八年公孫敖以弔喪文九年叔孫得臣襄二十二年叔鞅俱以會葬皆無關於聘問故不載

趙氏汭曰周制諸侯于天子有貢而無聘問見謂大宗伯朝覲以下六禮貢謂小行人春人貢也聘問者上之所以交于下也東遷小國于大國有朝則無聘諸侯不朝貢天子而以聘禮上問如邦交諸侯之仇也傳記晉韓宣子聘于周辭曰晉士起將歸時事于宰旅王曰辭不失舊則諸侯于天子言聘非舊制可知由周室既衰雖聘問之禮亦不能常故左氏不復辨然不失為寔錄也鄭氏因以釋周官時聘殷頑誤矣隱桓之世王室來聘者五來聘者一來求者二錫桓公命一而魯君臣三世不享觀于王庭至僖公二十八年因晉文盟會始兩朝王所又明年天王使宰周公來聘而魯始聘京師遂聘晉是魯之朝聘天子皆以晉故也文公元年王使來會葬僖公又來錫公命故得臣如京師拜而王使又來會贈成風來會葬矣八年公孫敖如京師弔喪不至以幣奔莒而毛伯來求金於是得臣如京師葬襄王宣公之世王使來徵聘故仲孫蔑如京師明年王季子已為報聘來矣外傳載成公將朝王使叔孫僑如先聘且告而史不書者大夫從公例不書此為公行告朝非實聘傳言其享觀之禮薄是也觀春秋所書則王室懷諸侯有過于成周而魯之事周不能比齊晉蓋上陵下替之日久矣自成至哀五君唯襄公末年叔孫約一如京師昭公末年叔鞅葬景王而止中國無伯則諸侯復散不復知王室而王室亦絕意於諸侯也然說

春秋者雅知朝聘不行為有罪而不知聘問亦非諸侯事天子之禮則豈聖人制作之意哉

蕙田案趙氏論魯失事王室之禮是也謂聘

問非事天子之禮則非

襄公二十六年左氏傳晉韓宣子聘于周王使請事注

何事對曰晉士起將歸時事于宰旅無他事矣注起宣子名禮

來聘禮云列國之大夫入天子之國曰某士是諸侯大夫入天子之國禮法當稱士也

王聞之曰韓氏其昌阜于晉乎辭不失舊

右春秋諸國聘周

蕃使朝貢附

蕙田案漢以下無諸侯聘于天子之禮但有

蕃國遣使朝貢之儀其儀或隆或殺其文或

詳或畧今為敘次附于聘禮之後

漢書兩粵傳文帝元年召陸賈使粵南粵王恐願奉明

詔長為藩臣奉貢職獻白璧一雙翠鳥千犀角十紫貝

五百桂蠹一器生翠四十雙孔雀二雙孝景時遣使入

朝請

武帝本紀太始三年春正月行幸甘泉宮饗外國客

宣帝本紀神爵二年匈奴單于遣名王奉獻賀正月始

和親

甘露元年匈奴呼韓邪單于遣子右賢王銖婁渠堂入

侍

匈奴傳甘露三年郅支單于遣使奉獻漢遇之甚厚明

年兩單于俱遣使朝獻漢待呼韓邪使有加

成帝河平元年單于遣右泉林王伊邪莫演等奉獻朝

正月既罷遣使者送至蒲反伊邪莫演言欲降使者以

聞議者或言受其降光祿大夫谷永議郎杜欽以為漢

諸侯聘于天子

與匈奴數為邊害故設金爵之賞以待降者今單于詘體稱臣列為北藩遣使朝賀無有二心漢家接之宜異於往時今既享單于聘貢之質而更受其逋逃之臣是貪一夫之得而失一國之心擁有罪之臣而絕慕義之君也不如勿受便天子從之

平帝本紀元始元年春正月越裳氏重譯獻白雉一黑雉二詔使三公以薦宗廟 二年春黃支國獻犀牛

西域傳贊孝武之世設酒池肉林以饗四夷之客作巴命都盧海中碭極漫衍魚龍角抵之戲以觀視之及賂遺贈送萬里相奉自建武以來莎車于闐之屬數遣使置質于漢願請屬都護聖上遠覽古今因時之宜羈縻不絕辭而未許雖大禹之序西戎周公之讓白雉太宗之卻走馬何以尚茲

後漢書光武本紀建武二十五年烏桓大人來朝南單于遣使詣闕貢獻奉蕃稱臣冬十月夫餘王遣使奉獻是歲烏桓大人帥眾內屬詣闕朝貢

中元二年春正月東夷倭奴國王遣使奉獻使人自稱大夫倭國之極南界也光武賜以印綬

章帝本紀章和元年月氏國遣使獻扶拔師子扶拔師子麕無角和帝本紀永元十三年冬十一月安息國遣使獻師子及條枝大爵

安帝本紀永甯元年夫餘王遣嗣子尉仇台詣闕貢獻天子賜尉仇台印綬金綵

南蠻西南夷傳揮國王雍由調遣使者詣闕朝賀獻樂及幻人能變化吐火自支解易牛馬頭又善跳丸數乃至干

桓帝本紀延熹九年大秦國王安敦遣使自南徼外獻象牙犀角瑇瑁

右兩漢蕃使朝貢

唐書禮樂志若蕃國遣使奉表幣其勞及戒見皆如蕃國主庭實陳於客前中書侍郎受表置於案至西階以表升有司各率其屬受其幣焉其宴蕃國主及其使皆如見禮

唐開元禮

受蕃國使表及幣其勞及戒見日如上儀前一日尚舍奉御整設御幄于所御之殿北壁南向守宮設使者次太樂令展宮懸舉麾位于上下並如常儀其日典儀設使者位于懸南重行北面以西為上庭寔位於客前設典儀位于懸之東北贊者二人在南差退

俱西面諸衛勒所部列黃麾半仗屯門及入陳于殿庭太樂令帥工人入就位如常儀符寶郎負寶俱詣閣外西迎使者服其國服奉書出次通事舍人引立于閣外西廂東面從者執幣玉庭寔立於後俱東面北上侍中版奏外辦皇帝服通天冠乘輿以出曲直華蓋警蹕侍衛如常儀皇帝將出仗動太樂令令撞黃鍾之鍾如上儀符寶郎置寶于座侍衛如常儀樂止中書侍郎一人令史二人持案先伺於西階東面北上舍人引使者及庭寔入就懸南位使者初入門太和之樂作立定樂止大蕃為設樂大蕃大使及大蕃中使以下皆不設樂懸及前麾仗中書侍郎帥持案者進詣使者前東面侍郎受書置於案迴詣西階侍郎取書升奉持案者退初侍郎奏書有司各帥其屬受幣馬于庭典儀曰再拜贊者承傳使者以下皆再拜舍人前承制降詣使

諸侯聘于天子

者前問蕃國主使者再拜對訖又再拜舍人回奏又承
勅問其臣下使者再拜對又勞使者以下對拜及舍人
迴奏並如常儀舍人承制勅勞還館使者以下皆再拜
舍人引使者以出樂作止如常儀侍中前跪奏稱侍中
臣某言禮畢俛伏興還侍位皇帝興太樂令令撞蕤賓
之鐘如上儀侍臣從至閣樂止

皇帝宴蕃國使

前一日尚舍奉御設御幄于所御之殿北壁南向太官
令具饌守宮設使者次太樂令展宮懸于殿庭設舉麾
位于上下並如常若大蕃中使及中蕃大使
以下則不設樂及鼓磨仗其日尚舍奉御鋪
使者牀坐於御座西南設不升殿者坐席于西廊下俱
東面北上典儀設使者位于懸南重行東面北上設典
儀贊者位于懸之東北如常儀諸衛各勒所部列黃麾

半仗皆與上儀同蕃使以下服其國服出次通事舍人
引立于閣外西廂東面從者立于使者之後重行東面
北上侍中版奏外辦皇帝服通天冠絳紗袍與上儀同
典儀一人升立東階上贊者二人立于階下俱西面典
儀引使者以下入就懸南位使者初入門舒和之樂作
至位樂止立定典儀曰再拜贊者承傳使者以下皆再
拜舍人前承旨降勅使者升坐使者以下皆再拜通事
舍人引應升殿者詣西階樂作止如常通事舍人引升
立于坐後其不升殿者分引詣廊下席後上下立定殿
上典儀唱就座階下贊者承傳上下諸客皆就坐俛伏
坐酒至階殿上典儀唱酒至興階下贊者承傳上下諸
客皆俛伏興立坐後太官行酒殿上典儀唱再拜階下
贊者承傳上下諸客皆再拜搢笏受解殿上典儀唱就

坐階下贊者承傳蕃使以下諸客皆就坐俛伏坐飲觴
行三周食升階殿上典儀唱食至興階下贊者承傳上
下諸客皆執笏俛伏興立坐後太官令行諸客案設食
訖殿上典儀唱就坐階下贊者承傳上下諸客皆就坐
俛伏坐上下諸客皆飯諸客食訖太官令俱徹案又行
酒遂設庶羞二舞以次入作若賜酒舍人前承旨詣受
賜者前蒙賜者執笏俛伏起立坐後舍人稱賜酒蒙賜
者再拜餘與宴蕃國主禮同皆放上儀

右唐蕃使朝貢

宋史禮志宋朝之制凡外國使至皆宴于內殿近臣及
刺史正郎都虞侯以上皆預太祖建隆元年八月三日
宴近臣於廣政殿江南吳越朝貢使皆預乾德三年五
月十六日宴近臣及孟昶于大明殿開寶四年五月七

日宴近臣及劉錡于崇德殿十一月五日江南李煜
吳越錢俶各遣子弟來朝宴于崇德殿八年三月晦宴
契丹使于長春殿太平興國二年二月十一日宴兩浙
進奉使契丹國信使及李煜劉錡禁軍都指揮使以上
于崇德殿不舉樂酒七行而罷契丹遣使賀登極也五
月十一日再宴契丹使於崇德殿酒九行而罷以其貢
助山陵也三年十月十六日宴宰相親王以下及契丹
使高麗使諸州進奉使于崇德殿以乾明節罷大宴故
也是後宴外國使爲常
契丹國使入聘見辭儀自景德澶淵會盟之後始有契
丹國信使副元正聖節朝見大中祥符九年有司遂定
儀注前一月習儀于驛見日皇帝御崇德殿宰臣樞密
使以下大班起居訖至員僚起居後館伴使副一班入

就位東面立次接書匣閣門使升殿立次通事入不通
喝拜兩拜奏聖躬萬福又喝兩拜隨呼萬歲喝祇候赴
東西接引使副位舍人引契丹使副自外捧書匣入當
殿前立天武官擡禮物分東西向入列于殿下以東為
上舍人喝天武官起居兩拜隨呼萬歲奏聖躬萬福喝
各祇候閣門從東階降至契丹使位揖使跪進書匣閣
門側身搢笏跪接舍人受之契丹使立閣門執笏捧書
匣升殿當御前進呈訖授內侍都知都知拆書以授宰
臣宰臣樞密進呈訖遂擡禮物出舍人與館伴使副引
契丹使副至東階下閣門使下殿揖引同升立御前至
國信大使傳國主問聖體通事傳譯舍人當御前鞠躬
傳奏訖揖起北使皇帝宣閣門迴問國主北使跪奏舍
人當御前鞠躬奏訖遂揖北使起卻引降階至辭見位

面西揖躬舍人當殿通北朝國信使某官某祇候見應
喏絕引當殿喝拜大起居其拜舞並依本國禮出班謝面天顏歸位
喝拜舞蹈訖又出班謝沿路驛館御筵茶藥及傳宣撫
問復歸位喝拜舞蹈訖舍人宣有勅賜窄衣一對金蹠
躡子一金塗銀冠一鞞一兩衣著三百匹銀二百兩鞍
轡馬一每向應跪受起拜舞蹈訖喝祇候應喏西出凡傳語并奏聖躬萬福致
謝並通事傳譯舍人當殿鞠躬奏訖後同此次通北朝國信副使某官某祇候見其
拜舞謝賜致詞並如上儀西出其物賜衣一對金腰帶一鞞頭靴笏衣著二百匹銀器一百兩鞍轡馬一
次通事及舍人引舍利已下分班入不通使引合班贊
喝大起居拜舞如儀舍人喝有勅賜衣服束帶衣著銀
器分物應喏跪授擡擔床跪起舞蹈拜訖喝各祇候分
班引出次引差來通事以下從人分班入不通使引合
班喝兩拜奏聖躬萬福又拜隨呼萬歲喝有勅各賜衣

服腰帶衣著銀器分物應喏跪授起喝兩拜隨拜萬歲
喝各祇候唱喏分班引出次行門殿直入起居訖殿上
侍立文明殿樞密直學士三司使內客省使下殿舍人
合班奏報閣門無事唱喏訖卷班西出客省閣門使以
下東出其排立供奉官已下橫行合班宣徽使殿上喝
供奉官已下各祇候分班出並如常儀皇帝降坐還內
宴日契丹使副已下服所賜承受引赴長春殿門外并
侍宴臣僚宰執親王樞密使以下祇候俟長春殿諸司
排當有葡萄酒使附入內都知奏班齊皇帝坐鳴鞭宰
臣親王以下並宰執分班舍人引入其契丹使綴親王
班人舍人通某甲以下唱喏班首奏聖躬萬福喝各就
坐兩拜隨呼萬歲喝就坐分班引上殿或皇帝撫問契
丹使副舍人便引下殿喝兩拜隨拜萬歲喝各就坐次
舍人通事分引舍利以下東西分班兩拜喝就坐分引
赴兩廊下次舍人引差來通事從人東西分班入合班
喝兩拜隨拜萬歲喝就坐分引赴兩廊次喝教坊已下
兩拜班首奏聖躬萬福又喝拜兩拜隨拜萬歲喝各祇
候次引看蓋二人稍近前喝拜兩拜隨拜萬歲喝上殿
祇候分東西班上殿立有司進茶牀內侍酌酒訖閣門
使殿上御前鞠躬奏某甲已下進酒餘如常儀宴起宰
臣已下降階舍人喝兩拜搯笏舞蹈喝各祇候分班出
次舍利合班喝兩拜舞蹈三拜拜謝訖喝各祇候分引
出次通事從人合班喝兩拜隨拜萬歲喝各祇候分班
引出次喝教坊使已下兩拜隨拜萬歲喝各祇候如傳
宣賜茶酒又喝謝茶酒拜兩拜隨拜萬歲喝各祇候出
閣門使殿上近前側奏無事皇帝降坐鳴鞭還內辭日

皇帝坐內殿起居班欲絕諸司排當有備催合侍宴臣僚東西相向班立崇德殿庭俟奏班齊舍人喝拜東西班殿侍兩拜奏聖躬萬福喝各祇候次舍人通館伴使副某甲以下常起居次通契丹使某甲常起居次通副使某甲常起居俱引赴西面立次通宰臣以下橫行通某甲以下應喏奏聖躬萬福喝各就坐應喏兩拜呼萬歲分升殿東西向立次通事舍人引契丹舍利以下次差來通事從人俱分班入當殿兩拜奏聖躬萬福喝各就坐兩拜呼萬歲分引赴兩廊立次通教坊使看蓋及進茶床酌酒并閣門奏進酒並如長春宴日之儀酒五巡起宰臣以下降階班立兩拜指筭舞蹈三拜喝各祇候宰臣以下並三司使文明殿學士樞密直學士升殿侍立其餘臣僚並契丹使並出次引舍利及差來從人俱兩拜萬歲訖分班引出如傳宣賜茶酒更喝謝拜如前儀已上班絕舍人再引契丹使人西面揖躬舍人當殿通北朝國信使某祇候辭通訖引當殿兩拜出班致辭歸位又兩拜訖宣有敕賜跪受拜舞訖喝好去遂引出次引副使致詞受賜拜舞如前儀亦出次引舍利已下次引差來通事從人俱分班入舍人喝有敕賜衣服衣著銀器分物各應喏跪受候擡擔牀絕就拜起又兩拜萬歲喝好去分班引出其使副各服所賜再引入當殿兩拜萬歲訖喝祇候引升殿當御前立皇帝宣閣門使授旨傳語國主舍人揖國信使跪閣門使傳旨通譯訖揖國信使起立閣門使御前指筭於內侍都知處奉授書匣舍人揖國信使跪閣門使跪分付訖揖起下殿西出政和詳定五禮有紫宸殿大遼使朝見儀紫宸殿

正旦宴大遼使儀紫宸殿大遼使朝辭儀崇政殿假日
大遼使朝見儀崇政殿假日大遼使朝辭儀其紫宸殿
赴宴遼使副位御座西諸位上將軍之南夏使副在東
朶殿並西向北上高麗交趾使副在西朶殿並東向北
上遼使舍利從人各在其南夏使從人在東廊舍利之
南諸蕃使副首領高麗交趾從人溪峒衙內指揮使在
西廊舍利之南又至各就位有分引兩廊班首詣御坐
進酒樂作贊各賜酒羣官俱再拜就坐酒五行皆作樂
賜華皇帝再坐赴宴官行謝華之禮

蕙田案以上遼使入聘

金國聘使見辭儀宣和元年金使李善慶等來遣直秘
閣趙有開偕善慶等報聘已而金使復至用新羅使人
禮引見宣政殿徽宗臨軒受使者書自後屢遣使來帝
待之甚厚時引上殿奏事賜予不賞禮遇並用契丹故
事紹興三年十二月宰臣進呈金使李永壽等正旦入
見故事百官俱入上曰全盛之時神京會同朝廷之尊
百官之富所以夸示今暫駐于此事從簡便舊日禮數
豈可盡行無庸俱入使人見辭並賜食於殿門外八年
金國遣使副來就驛議和詔王倫就驛賜宴十一年十
一月金國遣審議使來入見時殿陛之儀議猶未決議
者謂兵衛單弱則非所以隆國體欲設仗衛恐駭虜情
乃設黃麾仗千五百人於殿廊蔽以帟幙班定徹帷十
二年扈從徽宗梓宮皇太后使副來十三年十一月有
司言賀正旦使初至于盱眙軍賜宴未審回程合與不
合筵待詔內侍省差使臣二員沿路賜宴一員於平江
府一員於鎮江府一員于盱眙軍尋詔金國賀正旦人

使到闕赴宴等坐次合與宰臣相對稍南使副上下馬於執政官上下馬處三節人從並於宮門外上下馬立班則於西班與宰臣相對立仍權移西班使相在東壁宰臣之東十四年正月一日宴金國人使於紫宸殿文臣權侍郎已上武臣刺史已上赴坐自後正旦賜宴儀此五月金國始遣賀天申節使來有司言合照舊例北使賀生辰聖節使副隨宰臣紫宸殿上壽進壽酒畢皇帝宰臣以下同使副酒三行教坊作樂三節人從不赴既而三節人從有請乞隨班上壽詔許之仍賜酒食遇賀正人使朝辭在上辛祠官致齋之內仍用樂二十九

館在赤岸去

酒並不舉樂大率北使至闕先遣伴使賜御筵于班荆館在赤岸去酒七行翼日登舟至北郭稅亭茶酒畢上馬

入餘杭門至都亭驛賜褥被鈔羅等明日臨安府書送酒食閣門官入位具朝見儀投朝見榜子又明日入見伴使至南宮門外下馬北使至隔門內下馬皇帝御紫宸殿六參官起居北使見畢退赴客省茶酒遂宴垂拱殿酒五行唯從官已上預坐是日賜茶器名果又明日賜生餼見之二日與伴使偕往天竺燒香上賜沈香乳糖齋筵酒果次至冷泉亭呼猿洞而歸翌日賜內中酒果風藥花餉赴守歲夜筵酒五行用傀儡正月朔旦朝賀禮畢上遣大臣就驛賜筵中使傳旨宣勸酒九行三日客省簽賜酒食內中賜酒果遂赴浙江亭觀潮酒七行四日赴玉津園燕射命諸校善射者假管軍觀察使伴之上賜弓矢酒行樂作伴射官與大使並射弓館伴副使並射弩酒九行退五日大宴集英殿尙書郎監察

諸侯聘于天子

七

御史已上皆預學士撰致語六日朝辭退賜襲衣金帶
大銀器臨安府書送贐儀復遣執政官就驛賜宴晚赴
解換夜筵伴使與北使皆親勸酬且以衣物爲侑次日
加賜龍鳳茶金鍍合乘馬出北闕門登舟宿赤岸又次
日復遣近臣押賜御筵自到闕朝見射射朝辭其賜大
使金千四百兩副使金八百八十兩衣各三襲金帶各
三條都管上節各賜銀四十兩中下節各三十兩衣一
襲塗金帶一條使人到闕筵宴凡用樂人三百人百戲
軍七十人築毬軍三十二人起立毬門行人三十二人
旗鼓四十人並下臨安府差相撲一十五人於御前等
子內差並前期教習之

惠田案以上金使入聘

又案宋與契丹約爲兄弟之國凡生辰及正

旦及大喪大慶輒有信使往來如古諸侯之
交聘非蕃國比也宋初通金亦用契丹故事
建炎南渡奉表稱臣于金而就藩封之禮金
使之來者以詔諭江南爲名金史載張通古
爲詔諭江南使宋主欲南面使通古北面通
古曰大國之卿當小國之君宋約奉表稱臣
使者不可以北面乃命設東西位使者東面
宋主西面受詔拜起皆如儀當時金使入見
儀注大率如此故宋史諱其事高宗所謂事
從簡便舊日禮數豈可盡行者特飾詞耳孝
宗以後始改稱姪國然猶書名再拜不稱大
宋其見於金史交聘表者大定十年宋祈請
使資政殿大學士范成大崇信軍節度使康

循至求免起立接受國書十五年宋試工部
尚書張子顏明州觀察使劉密為報聘使仍
求免起立接書皆不獲許蓋訖于金亡未嘗
一日正敵國之禮宋志所書未必皆實錄也
宋遼金交聘與蕃使朝貢有別因無類可歸
故附見於此而著其說云

夏國進奉使見辭儀夏國歲以正旦聖節入貢元豐八
年使來詔夏國見辭儀制依嘉祐八年見於皇儀殿門
外朝辭詣垂拱殿政和新儀夏使見日俟見班絕謝班
前使奉表函引入殿庭副使隨入西向立舍人揖躬舍
人當殿躬奏夏國進奉使姓名以下祇候見引當殿前
跪進奉表舍人受之副入內侍省官進呈使者起歸位
西拜起居舍人宣有勅賜某物兼賜酒饌跪授箱過俛
伏興再拜舍人曰各祇候揖西出次從人入不奏即引
當殿四拜起居舍人宣賜分物兼賜酒食跪授箱過俛
伏興再拜舍人曰各祇候揖西出辭曰引使副入殿庭
西向立舍人揖躬舍人當殿躬奏夏國進奉使姓名以
下祇候辭引當殿四拜宣賜某物酒饌再拜如見儀凡
蕃使見辭同日者先夏國次高麗次交趾次海外蕃客
次諸蠻

蕙田案以上夏使入貢

高麗進奉使見辭儀見日使捧表函引入殿庭副使隨
入西向立舍人鞠躬當殿前通高麗國進奉使姓名以
下祇候見引當殿使稍前跪進表函俛伏興訖歸位大
起居班首出班躬謝起居歸位再拜又出班謝面天顏
沿路館券都城門外茶酒歸位再拜搢笏舞蹈俛伏興

再拜舍人宣有勅賜某物兼賜酒食搢笏跪授箱過俛
伏興再拜舍人曰各祇候揖西出次押物以下入不通
卽引當殿四拜起居宣有勅賜某物兼賜酒食跪授箱
過俛伏興再拜起居舍人曰各祇候揖西出辭日引使
副入殿庭西向立舍人揖躬舍人當殿躬通高麗進奉
使姓名以下祇候辭引當殿四拜起居班首出班致詞
歸位再拜舍人宣有勅賜某物兼賜酒食搢笏跪授箱
過俛伏興再拜舍人曰好去揖西出次從人入辭如見
政和元年詔高麗在西北二國之間自今可依熙甯十
年指揮隸樞密院明年入貢詔復用熙甯例以文臣充
接待使副仍往還許上殿七年賜以籩豆各十二簋簋
各四登一銅二鼎二罍洗一尊二銘曰惟爾令德孝恭
世稱東蕃有來顯相余一人嘉之用錫爾寶尊以甯爾

祖考子子孫孫其永保之紹興二年高麗遣使副來貢
並賜酒食於同文館

蕙田案以上高麗使朝貢

其交州宜州黎州諸國見辭並如上唯迓勞宴賚之
數則有殺焉其授書皆令有司付之又有西蕃喃氏西
南諸蕃占城回鶻大食于闐三佛齊坤部川蠻及溪峒
之屬或比間數歲入貢層檀日本大理注輦蒲甘龜茲
佛泥拂林真臘羅殿渤泥邈黎闍婆甘眉流諸國入貢
或一再或三四不常至注輦三佛齊使者至以真珠龍
腦金蓮花等登陛跪散之謂之撒殿元祐二年知穎昌
府韓縝言交趾小國其使人將及境臣嘗近弼難以抗
禮案元豐中迓以兵官餞以通判使副詣府其稿設令
兵官主之請如故事仍詔所過郡凡前宰相執政官知

五傳... 諸侯聘于天子

判者亦如之又詔立回賜于闐國信分物法歲遣貢使
雖多止一加則又命于闐國使以表章至則問歲聽一
入貢餘令于熙秦州貿易禮部言元豐著令西南五姓
蕃每五年許一貢今西蕃秦平軍入貢期限未及詔特
許之學士院言諸蕃初入貢者請令安撫鈐轄轉運等
司體問其國所在遠近大小與見今入貢何國爲比保
明聞奏庶待遇之禮不致失當宣和詔蕃國入貢令本
路驗寔保明如涉詐僞以上書詐不寔論建炎三年占
城國王遣使進貢適遇大禮遂加恩特授檢校少傅加
食邑自後明堂郊祀並倣此紹興二年占城國王遣使
貢沈香犀象玳瑁等物以綾錦銀絹建炎四年南平王
薨差廣南西路轉運副使尹東珂充弔祭使賜絹布各
五百疋羊酒寓錢寓綵寓金銀等就欽州授其國迎接
人制贈侍中進封南越王封其子爲交阯郡王遇大禮
並加恩如占城國王淳熙元年賜安南國王印銅鑄塗
以金紹興七年三佛齊國乞進章奏赴闕朝見詔許之
令廣東經畧司斟量只許四十人到闕進貢南珠象齒
龍涎珊瑚琉璃香藥詔補保順慕化大將軍三佛齊國
王給賜鞍馬衣帶銀器賜使人宴於懷遠驛淳熙五年
再入貢計其直二萬五千緡回賜綾錦羅絹等物銀二
千五百兩紹興三十一年正月安南獻馴象帝曰蠻夸
貢方物乃其職但朕不欲以異獸勞遠人其令帥臣告
諭自今不必以馴象入貢三十二年孝宗登極詔曰比
年以來累有外國入貢太上皇帝冲謙弗受况朕涼菲
又何以堪自今諸國有欲朝貢者令所在州軍以理論
遣毋得以聞淳祐三年安南國王陳日昝來貢加賜功

五禮通考卷三十一
臣號十一年再來貢景定三年六月日張上表貢獻乞
授其位于其子陳威晃咸淳元年二月加安南大國王
陳日煚功臣增安善二字安南國王陳威晃功臣增守
義二字各賜金帶鞍馬衣服二年復上表進貢禮物賜
金五百兩賜帛一百疋降詔嘉獎

蕙田案以上諸國使朝貢

右宋蕃使朝貢

遼史禮志高麗使入見儀臣僚常服起居應上殿臣僚
殿上序立閣門奏膀子引高麗使副面殿立引上露臺
拜跪附奏起居訖拜起立閣門傳宣王詢安否使副皆
跪大使奏臣等來時詢安引下殿面殿立進奉物入列
置殿前控鶴官起居畢引進使鞠躬通高麗國王詢進
奉宣徽使殿上贊進奉赴庫馬出擔牀出畢引使副退

面西鞠躬舍人鞠躬通高麗國謝恩進奉使某官某以
下祇候見舞蹈五拜不出班奏聖躬萬福再拜出班謝
面天顏五拜出班謝遠接湯藥五拜贊各祇候使副私
獻入列置殿前控鶴官起居引進使鞠躬通高麗國謝
恩進奉某官某以下進奉宣徽使殿上贊如初引使副
西階上殿序立皇帝不入御牀臣僚伴酒契丹舍人通
漢人閣使贊再拜稱萬歲各就坐酒三行殺膳二味若
宣令飲盡就位拜稱萬歲贊各就坐殺膳不贊起再拜
稱萬歲引下殿舞蹈五拜贊各祇候引出於幕次內別
差使臣伴宴起宣賜衣物訖遙謝五拜畢歸館
曲宴高麗使儀臣僚入朝班齊皇帝升殿宣徽教坊控
鶴文武班起居皆如常儀謝宣宴如宋使儀贊各上殿
祇候契丹臣僚謝宣宴句高麗使入面南鞠躬舍人鞠

五禮通考卷三十一 諸侯聘于天子 三

躬通高麗國謝恩進奉使某官某以下起居謝宣宴其
十二拜贊各上殿祇候臣僚使副就位立大臣進酒契
丹舍人通漢人閣使贊上殿臣僚皆拜贊各祇候進酒
大臣復位立贊應坐臣僚拜贊各就坐行酒若宣令飲
盡贊再拜贊各就坐致坊致語臣僚皆起立口號絕贊
再拜贊各就坐凡拜皆稱萬歲曲破臣僚起下殿契丹
臣僚謝宴中書令以下謝宴畢引使副謝七拜贊各好
去控鶴官門外祇候報閣門無事供奉官捲班出來日
問聖體

高麗使朝辭儀臣僚起居上殿如常儀閣門奏高麗使
朝辭勝子起居戀闕如宋使之儀贊各上殿祇候引西
階上殿立契丹舍人贊拜稱萬歲贊各就坐中書令以
下伴酒三行殺膳二味皆如初見之儀既謝贊有勅宴
五拜贊各好去引出于幕次內別差使臣伴宴畢賜衣
物跪受遙謝五拜歸館

蕙田案以上高麗使朝貢

西夏國進奉使朝見儀臣僚常朝畢引使者左入至丹
墀面殿立引使者上露臺立揖少前拜跪附奏起居訖
俛伏興復位閣使宣問某安否鞠躬聽旨跪奏某安俛
伏興退復位引左下至丹墀面殿立禮物右入左出畢
閣使鞠躬通某國進奉使姓名候見共一十七拜贊祇
候半立有私獻過畢揖使者鞠躬贊進奉收訖贊祇候
引左上殿就位立臣僚使者齊聲喏酒三行引使左下
至丹墀謝宴五拜畢贊有勅宴五拜祇候引右出禮畢
于外賜宴客省伴宴仍賜衣物
西夏使朝辭儀常朝畢引使者左入通某國某使祇候

西夏使朝辭儀常朝畢引使者左入通某國某使祇候

五禮通考卷三十三
三
辭再拜不出班起居再拜出班戀闕致詞復再拜賜衣物謝恩如常儀若賜宴五拜畢贊好去引右出

蕙田案以上西夏使朝貢

右遼蕃使朝貢

余史禮志外國使人見儀皇帝卽御座鳴鞭報時畢殿前班小起居畢至侍立位引臣僚左右入丹墀小起居宰執上殿其餘臣僚分班出閣門使奏使者入見膀子先引宋使副出笏捧書左入至丹墀北向立閣使左下接書捧書者單跪授書拜起立閣使左上露階右入欄內奏封全轉讀畢引使副左上露階齊揖入欄內揖使副鞠躬使少前拜跪附奏畢拜起復位立待宣問宋皇帝時並鞠躬受勅旨再揖鞠躬使少前拜跪奏畢起復位齊退卻引使副左下至丹墀北向立禮物右入左出盡揖使副旁折通班再引至丹墀舞蹈五拜不出班奏聖躬萬福再拜揖使副鞠躬使出班謝面天顏復位舞蹈五拜再揖使副鞠躬使出班謝遠差接伴兼賜湯藥諸物等復位舞蹈五拜各祇候引右出賜衣次引宋從人入通名以下再拜不出班又再拜各祇候亦引右出次引高麗使左入至丹墀北向略立引使左上露階立定揖橫使鞠躬正使少前拜跪附奏畢拜起復位立閣使宣問高麗王時並鞠躬受勅旨畢再揖橫使鞠躬正使少前拜跪奏畢拜起復位齊退卻引左下至丹墀面殿立定禮物右入左出盡揖使傍折通班畢引至丹墀通一十七拜各祇候平立引左階立次引夏使見如上儀引右階立次再引宋使副左入至丹墀謝恩舞蹈五拜各祇候平立次引高麗夏使並至丹墀三使並鞠躬

有勅賜酒食舞蹈五拜各祇候引右出次引宰執下殿

禮畢

曲宴儀皇帝即御座鳴鞭報時畢殿前班小起居到侍
立位引臣僚并使客左入旁折通班至丹墀舞蹈五拜
不出班奏聖躬萬福又再拜出班謝宴舞蹈五拜各上
殿祇候分引預宴官上殿其餘臣僚右出次引宋使從
人入至丹墀再拜不出班奏聖躬萬福又再拜有勅賜
酒食又再拜引左廊立次引高麗夏從人入分引左右
廊立果牀入進酒皇帝舉酒時上下侍立官並再拜接
盞畢候進酒官到位置坐者再拜坐即行臣使酒傳宣
立飲畢再拜坐次從人再拜坐至四盞餅茶入致語聞
鼓笛時揖臣使并人從立口號絕坐宴并侍立官並再
拜坐次從人再拜坐食入五盞歇宴教坊謝恩畢揖臣

使起果牀出皇帝起入閣臣使下殿歸幕次賜花人從
隨出戴花畢先引人從入左右廊立次引臣使入左右
上殿位立皇帝出閣坐果牀入坐立並再拜坐次從人
再拜坐九盞將曲終揖從人至位再拜引出聞曲時揖
臣使起再拜下殿果牀出至丹墀謝宴舞蹈五拜分引
出
朝辭儀皇帝即御座鳴鞭報時畢殿前班小起居至侍
立位引臣僚合班入至丹墀小起居引宰執上殿其餘
臣僚分班出閣使奏辭勝子先引夏使左入傍折通班
畢至丹墀再拜不出班奏聖躬萬福又再拜揖使副鞠
躬使出班戀闕致詞復位又再拜喝各好去引右出次
引高麗使如上儀亦引右出次引宋使副左入傍折通
班畢至丹墀依上通六拜各祇候平立閣使賜衣馬鞞

躬聞勅再拜賜衣馬畢平身搢笏單跪受別錄物過盡出笏拜起謝恩舞蹈五拜有勅賜酒食舞蹈五拜引使副左上露階齊揖入欄內揖鞠躬大使少前拜跪受書起復位揖使副齊鞠躬受傳達畢齊退引左下至丹墀鞠躬喝各好去引右出次引宰執下殿禮畢熙宗時夏使入見改為大起居定制以宋使列于三品班高麗夏列於五品班皇統二年六月定臣使辭見臣僚服色拜數止從常朝起居三國使班品如舊俟殿前班及臣僚小起居引宰執升殿餘臣分班畢乃令人見及朝辭之禮凡入見則宋使先禮畢夏使入禮畢而高麗使入其朝辭則夏使先禮畢而高麗使入禮畢而宋使入夏高麗朝辭之賜則遣使就賜於會同館唯宋使之賜則庭授

大定六年詔外國使初見朝辭則於左掖門出入朝賀賜宴則由應天門東偏門出入

右金蕃使朝貢

明集禮元自太祖時畏吾兒回鶻西夏西域高麗皆遣使入貢世祖以後安南占城雲南金齒緬國大理拂郎等國亦皆遣使貢獻

元蕃使朝貢於正旦聖節大朝會之日隨班行禮

右元蕃使朝貢

明史禮志蕃國遣使進表儀洪武二年定所司於王宮及國城街巷結綵設闕庭于殿上正中前設表箋案又前設香案使者位于香案東捧表箋二人於香案西設龍亭於殿庭南正中儀仗鼓樂具備清晨司印者陳印案于殿中滌印訖以表箋及印俱置于案王冕服眾官

朝服詣案前用印畢用黃袱裹表紅袱裹箋各置於匣中仍各以黃袱裹之捧表箋官捧置於案引禮引王至殿庭正中眾官位其後贊拜樂作再拜樂止王詣香案前跪眾官皆跪三上香訖捧表官取表東向跪進王王授表以進於使者使者西向跪受興置於案贊興王復位贊拜樂作王與眾官皆四拜樂止禮畢捧表箋官捧表前行置于龍亭中金鼓儀仗鼓樂前導王送至宮門外還眾官朝服送至國門外使者乃行

明集禮蕃使朝貢洪武二年占城國遣陪臣虎都蠻來貢高麗遣陪臣禮部尙書洪尙載安南遣陪臣同時敏等皆貢方物既至有司奏聞出國門以迎勞擇日進表幣方物于奉天殿畢進箋及方物於中宮東宮上位遣官于會同館賜宴畢東宮復遣官禮待省府臺皆有宴將還遣使勞送出境如或常朝則中書接受表箋方物次日使者隨班入見其宴賜上位東宮取旨禮待今具其儀

迎勞儀注

蕃使至龍江驛驛令具某國遣使者姓某名某及從人名數詣應天府報知應天府官稟知中書省及禮部禮部奏聞遣侍儀舍人二人接伴遣應天府同知龍江驛禮待前期館人陳設蕃使及應天府官坐次于正廳賓左主右中設酒案及食案應天府官至館館人入告蕃使接伴舍人引蕃使出迎于館門之外贊引引應天府官與蕃使俱入蕃使升自西階應天府官升自東階至廳蕃使東向立府官西向立贊引唱鞠躬拜興拜興平身蕃使與應天府官皆鞠躬拜興拜興平身應天府官

諸侯賜于天子

進詣蕃使前致禮待之意畢贊引引蕃使與府官各就位坐執事者各舉食案進供於蕃使及府官之前執事者斟酒及進食凡酒五行食三品宴畢贊禮引蕃使送應天府官出蕃使自西應天府官由東出至館門外蕃使入明且應天府官請使者出館俱上馬蕃使行近右應天府官行近左從人後從至會同館下馬接待舍人引蕃使由西而入應天府官由東而入至次訖報知中書省中書省奏知命禮部侍郎至會同館禮待其陳設位次食品一如前儀宴畢接待舍人引蕃使及禮部侍郎出蕃使降自西階禮部侍郎降自東階出館門外使者還館

受蕃國來附遣使進貢儀注

前期侍儀司引蕃使天界寺習儀三日擇日朝見前一

日內使監設御座香案于奉天殿中尙寶卿設寶案于御座前侍儀司設表案于丹墀中道之北及殿上正中設方物位于表案之南中道之東西舉方物案執事位于方物案之左右設使者位于中道之東西方物案之南北向設通事位于使者位之西北向設文武官侍立位于丹墀之北東西相向設受表兼宣表官受方物兼宣方物官位及展表官位于表案之西東向設承制官位于殿內西向及使者之北設典儀二人位于丹陛上東西相向設知班位于丹墀之北東西相向設贊禮位于知班之北東西相向設內贊二人位于殿上東西相向引使者舍人二人于使者拜位之西東向引文武官舍人四人於文武班之北稍後東西相向侍從班起居注殿中侍御史尙寶卿位于殿上西向指揮司懸刀

武官位于殿上東向拱衛司官位于奉天門之左右東
西相向典牧所官位于仗馬之前東西相向宿衛鎮撫
位于丹陛東西階下東西相向護衛百戶二十四員於
宿衛鎮撫之南稍後東西相向護衛千戶八員於殿東
西門之左右東西相向將軍二人於殿上東西相向天
武將軍四人於丹陛上之四隅東西相向將軍六人于
奉天殿門之左右東西相向將軍六人於奉天門之左
右東西相向是日金吾衛陳設甲士于午門外之東西
列旗仗於奉天門外之東西拱衛司陳儀仗于丹陛上
及丹墀之東西陳五輅于丹陛之南典牧所陳仗馬於
文武樓之南東西相向陳虎豹于奉天門外和聲郎陳
樂於丹墀諸蕃使拜位之南擊鼓初嚴侍儀舍人入陳
拜席引班引文武百官各具朝服次嚴引班引文武百
官齊班于午門外東西相向以北爲上禮部執事以方
物各置于案各執事俱入就位諸侍衛官各服其器服
及尚寶卿侍從官入詣謹身殿奉迎引班引使者服朝
服奉表執事者昇方物前行使者朝服後從由午門入
就金水西橋入西掖門至丹墀西東向序立擊鼓三嚴
引班引文武官入就侍立位侍儀版奏外辦御用監跪
奏皇帝服皮弁御輿以出尚寶卿捧寶及侍儀侍衛導
從如常儀皇帝將出仗動樂作陞御座樂止尚寶卿置
寶於案鳴鞭雞唱報時訖引禮引使者置表於案就位
北向立執事者昇方物入就位退立於左右知班唱齊
班訖贊禮唱鞠躬拜興拜興拜興拜興平身使者及眾
使者皆鞠躬樂作拜興拜興拜興拜興平身樂止贊禮
唱進表引禮引使者詣表案前贊禮唱跪使者及眾使

者皆跪唱進表使者跪取表函捧進於受表官受表官受表進方物狀者跪取方物狀授於受方物狀官受方物狀官受方物狀與受表官展表官由西階陞西門入至殿庭以表置於案俱退立於西內贊唱宣表宣表官詣案取表跪宣於殿西展表官同跪展宣訖俛伏興宣表官以表置於案退立於殿西宣方物狀官詣案取方物狀跪宣于殿西展方物狀官同跪展宣訖俛伏興宣方物狀官以方物狀置於案與宣表官展表官由殿西門出復位贊禮唱俛伏興使者及眾使者皆俛伏興平身贊禮唱復位引禮引使者退復位承制官承制自中門出中階降詣使者前稱有制贊禮唱跪使者及眾使者皆跪承制官宣制曰皇帝制問使者來時想爾某國君安好使者答畢贊禮唱俛伏興拜興拜興拜興

平身使者及眾使者皆俛伏興樂作拜興拜興拜興興平身樂止承制官稱有後制贊禮唱跪使者及眾使者皆跪承制官宣制曰皇帝又問爾使者遠來勤勞使者答畢贊禮唱俛伏興拜興拜興拜興平身使者及眾使者皆俛伏興樂作拜興拜興拜興平身樂止承制官自西階升西門入回奏訖復侍立位贊禮唱鞠躬拜興拜興拜興拜興平身使者及眾使者皆鞠躬樂作拜興拜興拜興拜興平身樂止禮部官收表及方物引使者出侍儀奏禮畢上位駕回樂作還宮樂止引班引文武百官及使者以次出其每歲常朝則于中書省接受表箋方物是日于省門前執事者置方物于案引禮引使者捧表箋由中門入方物隨行至堂上置方物于前丞相興使者捧表箋各至丞相前丞相受表箋

五禮通考卷三十一
各授于執事使者退立于西司壺舉杯者出舉杯者以
杯先進于丞相丞相執杯使者跪持酒飲畢退立引禮
引使者由西廊出戶部受方物報侍儀司習儀次日各
依品從具公服行五拜禮出午門釋服於東宮行禮

受蕃使每歲常朝儀注

中書省受表箋侍儀司引蕃使於天界寺習儀擇日朝
見前一日內使監陳設御座香案於奉天殿如常儀侍
儀司設使者位于丹墀中道上之西北向承制官侍立
位于殿內之東宣制位于使者之北百官侍立位于丹
墀之北東西相向知班二人位于使者之北東西相向
贊禮二人位於知班之北東西相向典儀二人位於丹
陛上東西相向引使者二人位于使者之西東向引文
武班四人於文武班之北稍後東西相向侍從班位於

殿上東西相向文武西導駕官位于殿內東西相向
將軍六人位于奉天門之左右將軍六人位於奉天殿
門之左右將軍四人位於丹陛上之四隅將軍二人位
于奉天殿內簾前之左右宿衛鎮撫二人位於丹墀東
西階下東西相向護衛二十四人位于宿衛鎮撫之南
稍後東西相向護衛千戶八員位于殿東西門之左右
拱衛司陳設儀仗于丹墀丹陛之東西鳴鞭四人於丹
陛上北向拱衛司光祿寺官侍立于殿門之左右是
日侵晨擊鼓初嚴各執事陳設如儀引班催請使臣及
百官各具朝服次嚴執事各入就位引班引百官使者
齊班於午門外東西相向三嚴引班引百官入就侍立
位引使者入立於丹墀之西導駕官入謹身殿奉迎侍
儀奏外辦御用監官跪奏皇帝具通天冠絳紗袍侍從

導引出宮樂作陞御座樂止捲簾鳴鞭報時訖引班引
使者入就位知班唱班齊贊禮唱鞠躬拜興拜興拜興
拜興平身使者鞠躬樂作拜興拜興拜興拜興平身樂
止承制官前跪承制由中門出中階降至使者前稱有
制贊禮唱某等跪聽使者跪承制官宣制曰皇帝制問
使者來時爾某國王某安好使者答畢贊禮唱俛伏興
拜興拜興拜興拜興平身使者皆俛伏興樂作拜興拜
興拜興拜興平身樂止承制官稱有後制使者跪承制
官宣制曰皇帝又問爾使介遠來勤勞使者又答畢贊
禮唱俛伏興樂作拜興拜興拜興拜興平身樂止承制
官由西階陞西門入回奏訖復侍立位贊禮唱鞠躬拜
興拜興拜興拜興平身使者皆鞠躬樂作拜興拜興拜
興拜興平身樂止侍儀奏禮畢上位駕回樂作還宮樂

止引班引文武百官及使者以次出

東宮受蕃國來附遣使進貢儀注

每歲常朝
入見儀附

前期内使監設皇太子座於東宮正殿正中設箋案于
丹墀之北稍東及殿上正中設方物案位於箋案之後
設使者位于方物位之後受箋兼宣箋官位于箋案之
西設受方物狀兼宣方物狀官位於宣箋官之南設展
箋官兼展方物狀官位于宣方物狀官之南設百官侍
立位于東宮丹墀東西相向設知班位于使者拜位之
北東西相向設贊禮位于知班之南東西相向設內贊
二人于殿上東西相向設引使者舍人二人位於使者
拜位之西引文武官舍人四人位于文武班之北稍後
東西相向是日侵晨宿衛陳兵仗於東宮門外拱衛司
陳儀仗于東宮丹墀丹墀之東西將軍六人于殿門之

儀仗于殿門之

左右和聲郎設樂位於使者拜位之南引禮引文武官常服入就侍立位引禮引舉方物案執事前行使者常服後隨入至東宮內門外東向立引進導引皇太子常服陞殿仗動樂作陞座樂止引禮引使者入就位北向立執事者昇方物就位退立於丹墀之西知班唱班齊贊禮唱鞠躬拜興拜興拜興拜興平身使者及眾使者皆鞠躬樂作拜興拜興拜興拜興樂止贊禮唱進箋引禮引進箋使者詣案取箋跪進於受箋官訖進方物使者詣案取方物狀跪進於受方物狀官訖受方物狀官與受箋展箋官俱由西門入於殿廷置于案退立於西內贊唱宣箋受箋官詣案取箋跪讀于殿西展箋官跪展宣訖俛伏興受箋官以箋復於案退立於西受方物狀官詣案取方物狀跪讀於殿西展方物狀官跪展宣

訖俛伏興受方物狀官以方物狀復于案與受箋官展箋官由西門出復位贊禮唱俛伏興使者與眾使者皆俛伏興引禮引使者復位贊禮唱鞠躬拜興拜興拜興拜興平身使者及眾使者皆鞠躬樂作拜興拜興拜興拜興平身樂止贊禮唱禮畢引禮引使者出內使監官收箋文禮物引進啟禮畢導引皇太子還宮樂作入宮樂止引禮引文武官以次出每歲常朝入見上位畢出午門釋服于皇太子所坐之所隨班行四拜禮

蕃國遣使來附參見省府臺官儀
蕃國遣使每歲常朝入見儀附

蕃使見東宮畢次日詣中書省參拜丞相各省官坐都堂六部主事六曹掾史侍立于左右引禮引蕃使至省門外執事以所獻書置于案及方物案舉由西偏門入西階陞使者從行置書案於月臺上之北方物案分陳

於東西使者立於其南贊禮唱鞠躬拜興拜興平身蕃
使鞠躬拜興拜興平身引禮引蕃使詣案取書跪進于
受書執事者使者興復位受書執事捧書至丞相前啟
械丞相閱書畢贊禮唱鞠躬拜興拜興平身蕃使鞠躬
拜興拜興平身禮畢引禮引自西階退執事收方物引
禮引使者詣左司郎中出位南向立蕃使北向立贊禮
唱鞠躬拜興拜興平身蕃使鞠躬拜興拜興平身郎中
皆答拜次詣員外郎以下俱相對再拜答拜訖次詣右
司如左司之儀次日至都督府參拜都督府官坐府堂
上各衛官屬戎服盛陳兵仗其陳設參見儀如都省及
參見經歷司如都省左右司之儀次至御史臺參見之
禮與參見省府官同唯不設兵衛其眾衙門相見三品
以下至九品皆再拜答禮其每歲常朝則止于中書省

參見省官行再拜禮

錫宴儀注東宮錫宴儀注

蕃使進貢及參見畢禮部官奏奉聖旨錫宴于會同館
東宮錫宴則東宮官啟奉令旨前期館人陳設坐次于會同館正廳賓西主
東中設御酒案於正中膳部主客命執事設酒案及食
案于廳之南楹教坊司陳設樂舞于酒案之左右是日
禮部官陳龍亭於午門外光祿寺官取旨捧御酒置於
龍亭儀仗鼓樂前導禮部官光祿寺官乘馬後隨至館
門館人入報蕃使出迎於館門之外執事者捧御酒前
行引贊引奉旨官從行由中道入至廳上置于案使者
自西階升立於西隅奉旨官立於御酒案之東稱有制
使者望闕跪聽宣制畢贊禮唱鞠躬拜興拜興平身使
者鞠躬拜興拜興平身奉旨舉杯酌酒授使者飲北面

五禮通考卷三十一 諸侯聘于天子 三十一

同跪使者飲畢贊禮唱鞠躬拜興拜興平身使者鞠躬
拜興拜興平身贊禮引使者及奉旨官就席坐執事者
舉食案進供于使者及奉旨官之前執壺者斟酒樂作
飲畢樂止酒七行湯七品上湯擊鼓行酒作細樂及陳
雜戲宴畢使者送奉旨官出至館門外奉旨官上馬使
者入擇日皇太子錫宴陳設食品禮節皆如前儀

省府臺宴勞儀注

東宮錫宴畢中書省於左司置酒宴勞前期膳部主客
于左司陳設使者及左右司官座次于左司正廳賓西
主東膳部設酒案於廳中教坊司陳樂于左司之左右
左司遣掾史詣會同館請使者赴左司既至左司官降
階出迎使者升自西階左司官升自東階至廳使者東
向立左司官西向立主宴者進詣使者前致禮待之意
畢各就席坐執事者舉食案進供于使者及左司官之
前執壺者斟酒樂作飲畢樂止酒五行湯五品上湯擊
鼓行酒作細樂不陳雜戲宴畢左司官送使者由省西
門出使者上馬左司官入次都督府次御史臺俱于經
厯司禮待其儀與左司同

蕃使陞辭儀注

蕃使將還國禮部奏知戒蕃使某日陞辭前二日子天
界寺習儀前一日內使監陳設御座香案于奉天殿侍
儀司設蕃使拜位于丹墀中道稍西北向設文武官侍
立位於丹墀之北東西相向承制官位于殿上之東及
宣制位于丹陛上之東南設知班二人位于蕃使之北
設贊禮二人位於知班之北典儀二人位於丹陛上之
南俱東西相向設引蕃使舍人二人位於蕃使之西東

向引文武班舍人四人位于文武班之北稍後東西相
 向侍從班位于殿上之東西拱衛指揮光祿寺官位于
 殿門前之左右內使擎執八人位於御座前之左右宿
 衛鎮撫位于丹陛東西階下護衛百戶二十四人位于
 鎮撫之南稍後俱東西相向護衛千戶八人位于殿東
 西門之左右將軍二人位于殿之左右將軍六人位于
 殿門之左右將軍四人位于丹陛之四隅將軍六人位
 于奉天門之左右俱東西相向鳴鞭四人位于丹陛上
 之南是日侵晨金吾衛陳設兵仗于午門外之東西拱
 衛司陳儀仗于丹墀丹陛之東西樂工陳樂于丹墀之
 內擊鼓初嚴禮部官于午門外以御酒禮物置于案執
 事者若干人服窄紅衫舉案捧禮物官具朝服若干人
 從入陳案于丹陛上東南

如賜詔則設詔書案于禮物案之北拱衛司用黃蓋遮覆執事各人

就位舍人催文武官及蕃使具朝服擊鼓次嚴侍儀侍
 衛入迎車駕舍人引文武官齊班于午門外之東西引
 使者立於武官之南東向擊鼓三嚴引班引文武官入
 就侍立位引蕃使入立于丹墀之西南侍儀版奏外辦
 御用監跪奏皇帝服皮弁服御輿以出侍儀侍衛導從
 警蹕如常儀皇帝將出仗動樂作陞御座樂止將軍捲
 簾鳴鞭雜唱報時訖引禮引蕃使入就位贊禮唱鞠躬
 拜興拜興拜興拜興平身蕃使皆鞠躬樂作拜興拜興
 拜興拜興平身樂止承制官詣御座前跪承制由殿中
 門出立于宣制位稱有制贊禮唱某等跪聽蕃使皆跪
 承制官宣制曰皇帝制諭宣畢贊禮唱俛伏興拜興拜
 興拜興拜興平身蕃使皆俛伏興樂作拜興拜興拜興
 拜興平身樂止承制官由殿西門入跪奏云承制訖復

侍立位贊禮唱鞠躬拜興拜興拜興拜興平身蕃使皆
鞠躬樂作拜興拜興拜興拜興平身樂止贊禮唱禮畢
捧物官捧禮物自丹墀中道降由奉天中門出如有詔則黃蓋遮覆
出舍人引蕃使由奉天西門出侍儀奏禮畢皇帝興樂
作還宮樂止引禮引百官以序出捧禮物官捧禮物至
午門付使者行每歲常朝具本品公服隨班行五拜禮

蕃使辭東宮儀注

蕃使每歲常朝儀附

蕃使奉天殿陛辭訖次辭東宮前期内使監設皇太子
座于東宮正殿侍儀司設蕃使拜位於殿下稍西設文
武官侍立位于庭中東西相向知班二人于使者拜位
之北贊禮二人位于知班之北俱東西相向設引使者
舍人二人位于使者之西設引文武官舍人四人于文
武班之北稍後東西相向設將軍六人位於殿門之左

右是日宿衛陳兵仗于東宮門外拱衛司陳儀仗於殿
庭之左右樂工陳樂于殿庭之南執事各入就位引禮
引文武官常服入就侍立位引禮引使者及眾使者至
東宮門外西立東向引進導引皇太子常服陞殿樂作
陞座樂止引禮二人引蕃使入就拜位北向立贊禮唱
鞠躬拜興拜興拜興拜興平身蕃使及眾使者皆鞠躬
樂作拜興拜興拜興拜興平身樂止贊禮唱禮畢引禮
引使者退立於西引進啟禮畢皇太子興樂作還宮樂
止引禮引使者出次引文武官以序出每歲常朝辭謝
使者常服隨班行四拜禮

勞送出境

蕃使辭東宮畢禮部官率應天府官送出國門之外至
龍江驛禮部官還應天府官設宴如初至之儀宴畢應

天府官還驛丞送起行

續文獻通考穆宗隆慶五年九月復朝鮮使臣引見舊班初帝用鴻臚卿李際春言四夷貢使俱不得至御前引見至是禮科都給事張國彥等奏朝鮮屬國乃冠帶禮義之邦與諸夷不同宜仍復舊班以示優禮從之
右明蕃使朝貢

五禮通考卷第二十六

五禮通考卷第二十七

內廷供奉禮部侍郎詹曠奏舊編輯

翰林院編修嘉定錢大昕

參校

李天保總纂有都更桐城方觀同訂

賓禮八

天子遣使諸侯國

蕙出案周禮大行人有問問歸賑賀慶致禮之禮而皇華一詩有咨親咨禮咨事咨難之教蓋天子遣使諸侯非特以聯上下之交通和好之志凡以同好惡恤災難生靈之休戚國家之利病風俗之美惡皆于是乎觀故編存編類編省在所必勤策命反命在所必慎今輯經傳天子遣使之事以著于篇

周禮秋官大行人問問以諭諸侯之志歸賑以交諸侯

之福賀慶以贊諸侯之喜致禮以補諸侯之戕王使臣于

諸侯之禮也問問者問歲一問諸侯謂存省之屬論諸侯之志者諭言語諭書名其類也交或往或來者也贊助也致禮凶禮之弔禮禮也補諸侯救者若春秋澶淵之會謀歸宋財

歸胙于王故玉藻云臣致膳于君有華桃菊亦歸胙于王也易氏祫曰大宗伯以服膳饋慶分同姓異姓而大行人則一槩以為諸侯者大宗伯言其定制此言其通制也大宗伯之言賓禮不過朝覲宗遇會同聘類八者而已如禮禮則見于凶禮服膳饋慶則見于嘉禮蓋行人以親

鄭氏鐸曰時聘殷類問歸服固有一定之制賀慶致禮則以時舉無常期

邱氏濬曰大行人所掌者朝覲宗遇會同六者諸侯致親于王者也問問歸服賀慶致禮四者天子致愛于諸侯者也諸侯以禮致其敬天子以仁致其愛尊卑之意通上下之誠達尚何猜疑間貳

之為患故先王之所以親諸侯也如此

王之所以撫邦國諸侯者歲徧存三歲徧類五歲徧省七歲屬象胥諭言語協辭命九歲屬瞽史諭書名聽聲音十有一歲達瑞節同度量成牢禮同數器修瀆則注撫也存類省者王使臣于諸侯之禮所謂問問也歲者巡守之明歲以為始也屬猶聚也自五歲之後遂間歲徧省也七歲省而召其象胥九歲省而召其瞽史皆取于天子之宮教習之也鄭司農云象胥譯官也元謂瞽樂師也史太史小史也書名書之字也古名聘禮曰象胥以上至十一歲又徧省焉達同成修皆謂齊具

禮式行之則齊等之

劉氏彝曰存者問其安否類者視其治效省者察其風俗

王氏昭禹曰類又詳于存省又詳于類

蔡氏德晉曰屬會集也象胥掌通言語瞽樂史掌書三官王朝列國皆有之屬象胥者謂使王朝象胥往至牧伯之國會集列國象胥諭以言語使彼此通曉協其辭命使體制合同也屬瞽史者謂使王朝瞽史往至牧伯之國會集列國瞽史諭書名以同其文聽音聲以同其律也度量數器合方氏所掌牢禮掌客所掌法八法則八則達同成修皆謂行人齊其法式以行至則齊等之也

小行人使適四方協九儀賓客之禮注適之也協合也疏使適四方謂諸侯之國則合九等之儀九儀則大行人九儀命者五爵者四是也云賓客之禮者賓據命者五客據爵者四此稱賓客之例非通稱也

蕙田案使適四方王使小行人適四方也若國札喪則令賻補之若國凶荒則令調委之若國師役則令犒餼之若國有福事則令慶賀之若國有禍裁則令哀弔之凡此五物者治其事故注故書賻作傅犒為稟鄭司農云賻補之謂賻喪家補助其不足也若今時一室二戶則官與之棺也稟當為犒謂犒師也元謂師役者國有兵寇以致廩病也使鄰國會財貨以與之春秋定五年夏歸粟于蔡是

禮記卷之三 遣使諸侯國

也宗伯職曰以禮禮
哀園敗禍裁水火

王氏昭禹曰所作謂之事所逢謂之故札喪凶
荒禍裁出于所逢者也師役福事或出于所作

及其萬民之利害為一書其禮俗政事教治刑禁之逆
順為一書其悖逆暴亂作慝猶犯令者為一書其札喪
凶荒厄貧為一書其康樂和親安平為一書凡此五物
者每國辨異之以反命于王以周知天下之故

總陳小行人使適四方所採風俗善惡
之事各各條錄別為一書以報上也

葉氏時曰觀此而知小行人之奉命以往無非究心
邦國之民事反命以告亦無非究心邦國之民事

掌交掌以節與幣巡邦國之諸侯及其萬民之所聚者
道王之德意志慮使咸知王之好惡辟行之

咸皆也辟讀如辟思之辟使皆知王之
所好者兩行之知王所惡者辟而不為

使和諸侯之好達萬民之說

注有欲相與修好者則為和合之說
蔡氏德晉曰凡上下之情不通易至乖戾極逆而不相親掌交以王之德意志
慮為諸侯萬民道之令皆隨王所行其所好則上之情得通于下矣又使王

于諸侯所好必調和之萬民所說
必通達之則下之情得通于上矣

夏官匡人掌達灋則匡邦國而觀其慝使無敢反側以
聽王命

注灋則八灋八則也邦國之官府都鄙亦用焉慝姦偽
之惡也反側猶背違灋度也書曰無反側王道正直

擇人掌誦王志道國之政事以巡天下之邦國而語之

注道猶言也以王之志與
政事諭諸侯使不迷惑
以上二事鄉諸侯說之使諸
侯化民而萬民正何於王

春官大宗伯以弔禮哀禍裁

弔禮哀禍裁弔馬曰天作淫雨害于衆盛如之何不
弔禮哀禍裁弔馬曰天作淫雨害于衆盛如之何不
弔禮哀禍裁弔馬曰天作淫雨害于衆盛如之何不

弔禮哀禍裁弔馬曰天作淫雨害于衆盛如之何不
弔禮哀禍裁弔馬曰天作淫雨害于衆盛如之何不
弔禮哀禍裁弔馬曰天作淫雨害于衆盛如之何不

蕙田案弔禮恤之禮通于邦交而天子遣使
侯國亦有之

以賑膳之禮親兄弟之國

注賑膳社稷宗廟之肉以賜同姓之國同禘
祿也兄弟有其先王者魯定公十四年天王

注賑膳社稷宗廟之肉以賜同姓之國同禘
祿也兄弟有其先王者魯定公十四年天王

使石尚來歸服疏服是社稷之肉膾是宗廟之肉此文雖上兄弟之國至于二王後及異姓有大功者得與兄弟之國同故僖九年夏王使宰孔賜齊侯曰天子有事于文武使孔賜伯舅昨非膾肉周禮以膾膾之禮親兄弟之國不以賜異姓敬齊侯比之賓客又僖公二十四年宋成公如楚還入于鄭鄭伯將享之皇武子曰宋先代之後也於周為客天子有事膾焉有喪拜焉是二王後及異姓有大功者亦得膾膾之賜是以大行人直言歸服以交諸侯之福不辨同姓異姓是容有非兄弟之國亦得膾膾也**以賀慶之禮親異姓之國**謂諸侯之國言喜可賀可慶之事王使大夫往以物賀慶之舉異姓包同姓也大行人云賀慶以贊諸侯之喜不別同姓異姓則兼同姓可知
吳氏澄曰膾膾者特厚之禮故於同姓言之賀慶者皆偏之禮故於異姓言之

蕙田案膾膾賀慶二者天子所以親諸侯也
大宗伯以弔膾膾屬凶禮膾膾賀慶屬嘉禮
而大行人又以歸膾膾賀慶致膾與朝宗覲遇
會同類聘問同列蓋凶嘉二禮之通于賓
禮者今俱附入天子遣使侯國條內以從其
類云

右總論天子遣使之事

春官外史掌書外令注王命下畿外若以書使于四方則書其令

注書王命以授使者黃氏曰以書使于四方之書猶令之制書敕書也

右王命

夏官司士作士適四方使為介注士使謂自以王命使也介大夫之介也春秋傳曰天王使石尚來歸膾

蕙田案作士使為介謂上卿使則大夫為介

大夫使則士為介皆司士選之

虎賁氏適四方使則從士大夫疏天子有下聘諸侯法大行人所云歲徧問之等時則使虎賁從行也

秋官行夫使則介之注使謂大小行人也故書曰夷使鄭司農云夷使使于四夷則行夫主為之介元謂夷發聲

蕙田案使則介之謂行人為使則行夫為之介也

右介

地官掌節掌守邦節而辨其用以輔王命注邦節者珍圭牙璋穀圭琬圭琖圭

也王有命則別其節之用以殺使者輔王命者執以行爲信凡邦國之使節山國用虎節土國

用人節澤國用龍節皆金也以英蕩輔之注使節使卿大夫聘于天子諸侯行道所執之信也土平地也山多虎平地多人澤多龍以金爲節鑄象焉必自以其國所多者予以相別爲信明也今漢有銅虎符杜子春云蕩當爲帛謂以函器盛此節或曰英蕩畫函

蕙田案使節天子遣使於諸侯使者所執之節也山國謂使於山國下倣此

觀承案英蕩解未安蕩宜從竹大竹也見禹

貢特出者爲英蓋以竹之最大者以函節適遠故曰輔始存此說以備考

凡通達于天下者必有節以傳輔之注必有節言遠行無有不傳節而出者也輔之以傳

秋官小行人達天下之六節山國用虎節土國用人節澤國用龍節皆以金爲之道路用旌節門關用符節都

鄙用管節皆以竹爲之注此謂邦國之節也達之者使之四方亦皆備授之以爲行道之信也虎人龍者自其國象也道路謂鄉遂大夫也都鄙者公之于弟及卿大夫之采地之吏也凡邦國之民遠出至于他邦他邦之民若來入山國門者門人爲之節由關者關人爲之節其以徵令及家徒鄉遂大夫及采地吏爲之節皆使人執節將之以達之亦有期以反節管節如今之竹使符也其有商者通之以符節如門關門關者與市肆事節可同也亦所以異于畿內也凡節有天子法式存于國疏此經亦是通四方之事言達天下之六節者據諸侯國而言掌節所云據畿內也虎節人節龍節三者據諸侯使臣出聘所執旌節符節管節三者據在國所用

蕙田案節有二有守節有行節守節憑以爲重行節持以爲信其用以爲節者有四或以玉或以角或以金或以竹皆篆刻文字而中分之有故則相合以爲驗者也先王制節以防奸僞凡守土之官奉使之臣貨賄之出入小民之往來皆執此以爲信驗蓋雖一物之微而馭天下之機要在是故特設掌節之官以專司其事漢有符節令主符節事凡遣使

掌授節猶古制也後世印章即古人符節之遺制古人用之列國其事簡後世用之案牘其事繁蓋亦從時之宜矣

春官典瑞珍圭以徵守以卹凶荒注珍圭王使之瑞節制大小當與琬琰相依王使人徵諸侯憂

節矣卹者闔府庫振救之凡瑞節歸又執以反命注珍圭王使之瑞節制大小當與琬琰相依王使人徵諸侯憂

牙璋以起軍旅以治注珍圭王使之瑞節制大小當與琬琰相依王使人徵諸侯憂

兵守注珍圭王使之瑞節制大小當與琬琰相依王使人徵諸侯憂

殺圭以和難以聘女注珍圭王使之瑞節制大小當與琬琰相依王使人徵諸侯憂

琬圭以治德以結好注珍圭王使之瑞節制大小當與琬琰相依王使人徵諸侯憂

琰圭以易行以注珍圭王使之瑞節制大小當與琬琰相依王使人徵諸侯憂

除慝注珍圭王使之瑞節制大小當與琬琰相依王使人徵諸侯憂

考工記玉人琬圭九寸而纈以象德注琬猶圓也王使之瑞節也諸侯有德王命賜之使

規以除慝以易行注凡圭琰寸半段圭琰半以上又半為琰節諸侯有

去項注凡圭琰寸半段圭琰半以上又半為琰節諸侯有

以起軍旅以治兵守也注二璋皆有鉏牙之飾於琰側先言牙璋有文飾

多用牙璋軍注二璋皆有鉏牙之飾於琰側先言牙璋有文飾

少用中璋注二璋皆有鉏牙之飾於琰側先言牙璋有文飾

蕙田案典瑞之珍圭玉人無之玉人之中璋注二璋皆有鉏牙之飾於琰側先言牙璋有文飾

典瑞無之典瑞云穀圭以和難以聘女而玉注二璋皆有鉏牙之飾於琰側先言牙璋有文飾

人無和難之文或彼此互見或互有脫簡也注二璋皆有鉏牙之飾於琰側先言牙璋有文飾

右節信注二璋皆有鉏牙之飾於琰側先言牙璋有文飾

夏官校人凡國之使者其幣馬注使者所用私觀

右幣注使者所用私觀

詩小雅皇皇者華序皇皇者華君遣使臣也送之以禮注使者所用私觀

樂言遠而有光華也注使者所用私觀

疏光顯其君帝注使者所用私觀

不辱命于彼注使者所用私觀

不辱命于彼注使者所用私觀

不辱命于彼注使者所用私觀

不辱命于彼注使者所用私觀

不辱命于彼注使者所用私觀

不辱命于彼注使者所用私觀

曹氏粹中曰燕以遺之所謂禮也歌以樂之所謂樂也

程子曰天子遣使四方以觀省風俗采察善惡訪問病苦宣道化於天下下國蒙被聲教是以光華

皇皇者華于彼原隰皇皇猶煌煌也高平曰原下濕曰隰忠臣奉使能光君命無遠無近如華不以高下易其色

無遠無近唯所之則然駉駉征夫每懷靡及傳駉駉眾多之貌

朱子集傳此遣使臣之詩也君之使臣固欲其宣上

德而達下情而臣之受命亦唯恐其無以副君之意

也故先王之遣使臣也美其行道之勤而述其心之

所懷曰彼煌煌者華則于彼原隰矣此駉駉然之征

夫則其所懷思常若有所不及矣蓋亦因以為戒然

其辭之婉而不迫如此詩之忠厚亦可見矣

我馬維駒六轡如濡箋如濡言鮮澤也載馳載驅周爰咨諏箋爰于也

程子曰探察求訪使臣之職

朱子集傳使臣自以每懷靡及故廣詢博訪以補其

不及而盡其職也

我馬維駒六轡如絲傳言調忍也載馳載驅周爰咨謀傳咨事之難易為謀

我馬維駉六轡沃若載馳載驅周爰咨度傳咨禮義所宜為度

我馬維駟六轡既均傳陰白雜毛曰駟均調也載馳載驅周爰咨詢

朱子集傳案序以此詩為君遣使臣春秋內外傳皆

云君教使臣儀禮亦見鹿鳴疑亦本為遣使臣而作

其後乃移以他用也然叔孫穆子所謂君教使臣曰

每懷靡及諏謀度詢必咨于周敢不拜教可謂得詩

之意矣

四牡序四牡勞使臣之來也疏事畢來歸也有功而見知則說矣

嚴氏案曰人臣之事皆職分所當為不計其君之知不知也此特序詩者之辭以為使臣有馳驅之勞而其君能深體之其心之喜悅當如何非使臣必待見知而後說也

四牡駉駉周道倭遲傳駉駉行不止之意倭遲歷遠之意豈不懷歸王事靡盬

傳駉駉行不止之意倭遲歷遠之意豈不懷歸王事靡盬

傳駉駉行不止之意倭遲歷遠之意豈不懷歸王事靡盬

傳駉駉行不止之意倭遲歷遠之意豈不懷歸王事靡盬

傳駉駉行不止之意倭遲歷遠之意豈不懷歸王事靡盬

傳駉駉行不止之意倭遲歷遠之意豈不懷歸王事靡盬

傳駉駉行不止之意倭遲歷遠之意豈不懷歸王事靡盬

傳駉駉行不止之意倭遲歷遠之意豈不懷歸王事靡盬

我心傷悲

傳不堅固也思歸者私恩也靡盬者公義也傷悲者情思也

事辭

朱子集傳此勞使臣之詩也夫君之使臣臣之事君

禮也故為臣者奔走於王事特以盡其職分之所當

為而已何敢自以為勞哉然君之心則不敢以是而

自安也故燕享之際叙其情以閱其勞言駕此四牡

而出使於外其道路之回遠如此當是時豈不思歸

乎特以王事不可以不堅固不敢徇私以廢公是以

內顧而傷悲也臣勞於事而不自言君探其情而代

之言上下之間可謂各盡其道矣

四牡騤騤

傳騤騤馬之貌馬勞則喘息白馬黑曰騤

豈不懷歸王事靡盬

傳不違將

翩翾者

傳翩翾鳥之貌

豈不懷歸王事靡盬

傳不違將

母

傳母

豈不懷歸王事靡盬

傳不違將

駕彼四駱

傳駱駝

豈不懷歸王事靡盬

傳不違將

論

傳論

豈不懷歸王事靡盬

傳不違將

朱子集傳

以其不獲養父母之情而來告於君也非

使人作是歌也設言其情以勞之耳

右遣使勞使

春秋隱公七年

天王使凡伯來聘

注凡伯周卿士凡國伯爵也

穀梁傳凡伯者何

天子之大夫也

注天子之大夫也

穀梁傳南氏

注南氏南子大夫也南氏季字也

九年春天王使南季來聘

注南季天子大夫也南氏季字也

穀梁傳南氏

注南氏南子大夫也南氏季字也

有較德殊風異

行天子聘問之當北面稱臣受之

於太廟所以尊王命歸美于先君不敢以已當之

穀梁傳凡伯者何

天子之大夫也

注天子之大夫也

穀梁傳南氏

注南氏南子大夫也南氏季字也

九年春天王使南季來聘

注南季天子大夫也南氏季字也

穀梁傳南氏

注南氏南子大夫也南氏季字也

姓也季字也聘問也聘諸侯非正也注周禮天子時聘以結諸侯之好殷類以除邦國之惡問以諭諸侯之志歸服以交諸侯之福賀慶以贊諸侯之喜致禮以補諸侯之災許慎曰禮臣病君親問之天子有下聘之義傳曰聘諸侯非正實所未詳

蕙田案穀梁問諸侯非正之說於禮無据范氏據周禮大行人及許慎五經異義以證其非可謂不易之論矣特以時聘殷類為天子下聘于諸侯則非蓋周官之間問即天子下聘之事對文則大曰聘小曰問散文言之則問即聘也時聘殷類自是諸侯聘于天子不容混而一之也

張氏洽曰隱公十年之間宰嚭凡伯南季三至魯庭以魯為周公之冑而欲親之也公不明尊王之義以正其國于是諸侯視效而王靈竭臣子則象而篡弒萌矣此春秋詳書王使之意也

桓公四年夏天王使宰渠伯糾來聘注注宰官渠氏伯糾名也左氏傳父在故名 公羊傳宰渠伯糾者何天子之大夫也其

稱宰渠伯糾何下大夫也

李氏廉曰宰糾書名左氏直議其攝父職以出聘已昧于仍叔子之文而杜注又以伯糾為名則伯乃字稱而非名也公穀皆以為下大夫係官氏名且字以宰為官氏渠為名糾為字而以伯為老稱則單伯亦老稱乎蓋欲言敬晉而經稱伯欲言尊則連名故為是臆說耳是皆不知春秋責宰相之書法也

五年天王使仍叔之子來聘注注仍叔天子之大夫稱仍叔之子本於父字幼弱之辭也左氏傳弱也 公羊傳仍叔之子者何天子之大夫也其

稱仍叔之子何譏何譏爾譏父老子代父從政也穀梁傳任叔之子者錄父以使子也故微其君臣而著其

父子不正父在子代仕之詞也注注君問劣于上臣苟進子下蓋參譏之

八年天王使家父來聘注注家父天子大夫家氏父字左氏傳僖公三十年天王使宰周公來聘注注周公天子三公兼冢宰也

王使周公閱來聘享有昌歆白黑形鹽注注昌歆昌蒲菹白歆嚼黑歆黍形鹽鹽形象虎辭曰國君文足昭也武可畏也則有備物之享以象其德薦五味羞嘉穀鹽虎形注注嘉穀然稻黍也以象其文也鹽虎形以象武也以獻其功

天子遣使諸侯國

吾何以堪之

宣公十年秋天王使王季子來聘程注王季子者公羊以為天子之母弟然則字季子天子大夫

左氏傳秋劉康公來報聘程注報孟獻子之聘即王季子也其後食采于劉公羊

傳王季子者何天子之大夫也其稱王季子何貴也其

貴奈何母弟也穀梁傳其曰王季王子也其曰子尊

之也聘問也

胡氏安國曰公羊曰王季子者王之母弟也王有時聘以結諸侯之好禮也宣公享國至是十年不朝于周而比年朝齊不奔王喪而奔齊侯喪不遣貴卿會匡王葬而使歸父會齊侯之葬縱未舉法勿聘焉猶可也而使王季子來王靈益不振矣自是下聘春秋亦不書矣

右周聘魯

春秋莊公元年王使榮叔來錫桓公命程注榮叔周大夫榮氏叔字錫賜也追命桓公

其言桓公何追命也穀梁傳禮有受命無來錫命錫

命非正也生服之死行之禮也生不服死追錫之不正

甚矣

張氏洽曰莊公主王姬之昏故親魯而寵焉其父遣使賜之策命

李氏廉曰錫命有命辭有命物又或止有命辭而無

命物有命辭有命物者如後世以璽書褒賞功臣增

秩賜金是也止有命辭者如後世賜手詔褒美是也

趙氏汾曰禮諸侯嗣位喪畢以士服朝天子天子賜

之黻冕圭璧謂之受命周官王命諸侯則大宗伯賓

是也末世諸侯喪畢不朝有請命者而後有來錫命

有生不請命者而後有追錫之命

文公元年天王使毛伯來錫公命程注毛國伯爵諸侯為王卿士

也瑞為信唐十一年王賜晉侯命亦其比也穀梁傳禮有受命無來錫命錫命非正

胡氏安國曰諸侯終喪入見則有錫歲時來朝則有

錫能敵王所愾則有錫黼冕圭璧因其終喪入見而錫之者也禮所謂喪畢以士服見天子已見賜之黼冕圭璧然後歸是已車馬衮黼因其歲朝而錫之者也詩所謂君子來朝何錫予之雖無予之路車乘馬又何予之元衮及黼是已彤弓旅矢因其敵愾獻功而錫之者也詩所謂彤弓昭兮受言藏之我有嘉賓中心貺之鐘鼓既設一朝享之是已今文公繼世喪制未畢非初見繼朝而獻功也何為來錫命乎故穀梁子曰來錫命非正也

成公八年秋七月天子使召伯來賜公命注諸侯即位天子賜以命與之

正也曰天子何也曰見一稱也劉氏啟曰錫命者爵也而賜命者賜命也故王制三公一命卷若有加則賜也不過九命次國之君不過七命小國五命故賜者謂有加也以義觀之

錫命者其世世相襲不廢也賜命者服過其爵所以章有德也成公未有大功明德而服過其爵譏賞也

襄公十有四年左氏傳王使劉定公賜齊侯命曰昔伯

舅大公右我先王股肱周室師保萬民世昨大師以表

東海王室之不壞繫伯舅是賴今余命女環注環齊靈公名茲率

舅氏之典纂乃祖考無忝乃舅敬之哉無廢朕命

昭公七年左氏傳王使成簡公如衛弔注簡公王卿士也且追命

襄公曰叔父陟恪在我先王之左右以佐事上帝注陟登也恪敬也

也帝天也叔父謂襄公命如今之哀策余敢忘高圉亞圉注二圉周之先也為股諸侯亦受股王追命者

國語周語襄王使召公過及內史過賜晉惠公命

右周錫命

春秋僖公九年左氏傳王使宰孔賜齊侯昨曰天子有

事于文武使孔賜伯舅昨注昨祭肉尊之比二王後

二十四年左氏傳宋先代之後也於周為客天子有事

天子遣使諸侯國

膳焉注有事祭宗廟也膳祭肉尊之故賜以祭肝

定公十四年天王使石尙來歸賑注石尙天子之士石氏尙名賑祭社之肉盛以賑器以賜同

也腥曰賑熟曰燔注禮諸侯朝天子助祭于宗廟然後受穀梁傳

賑者何也俎實也祭肉也生曰賑熟曰膳其辭石尙士

也何以知其士也天子之大夫不名石尙欲書春秋諫

曰久矣周之不行禮於魯也請行賑貴復正也

李氏廉曰案周禮行人歸賑以交諸侯之福謝氏曰王受神福賴諸侯所致則神福王宜與諸侯共之故天子分俎實不曰賜而謂之歸

右周歸賑

春秋僖公八年春王正月公會王人齊侯宋公衛侯許

男曹伯陳世子款盟于洮注洮王人與諸侯盟不議者王室有難洮曹地公羊傳王

人者何微者也曷為序乎諸侯之上先王命也穀梁

傳王人之先諸侯何也貴王命也朝服雖敝必加於上

弁冕雖舊必加于首周室雖衰必先諸侯兵車之會也

九年夏公會宰周公齊侯宋子衛侯鄭伯許男曹伯于

葵丘注在周公宰地也宰官周采地天子三公不字宋子襄公也傳例曰在葵丘侯曰子陳前外黃縣東有葵丘

二十九年夏六月會王人晉人宋人齊人陳人蔡人秦

人盟于翟泉注在翟泉今洛陽城內大倉西南池水也魯侯諱盟天子大夫諸侯大夫又違禮盟公侯子子虎違禮下盟故不言公會又皆

人稱

右周會盟

春秋隱公元年秋七月天王使宰咺來歸惠公仲子之

賵注在宰官頃名也仲子者桓公之母婦人無諱故以字配姓來者自外之文歸者反之辭左氏傳緩且子氏

未薨故名注惠公葬在春秋前故曰緩也子氏仲子也薨在二年贈助喪之物天子七月而葬同軌

畢至注言同軌以別四夷之國諸侯五月同盟至注同在方大夫三月同位

至注古者行役不踰時士踰月外姻至注踰月度月也姻猶親也此言赴弔各以遠近為差因為葬節贈死不

及尸注尸未葬之通稱弔生不及哀注諸侯以上版葬則殮麻除無哭位諫聞終喪豫凶事非禮

也送仲子在而來贈故曰慘凶事

以官氏宰士也贈者何喪事有贈贈者蓋以馬以乘馬

束帛車馬曰賵貨財曰賻衣被曰綖

文公元年天王使叔服來會葬莊述叔氏服字諸侯喪天子使大夫會葬禮也公羊

傳其言來會葬何會葬禮也穀梁傳葬曰會其志重

天子之禮也

五年春王正月王使榮叔歸含且賵莊注珠玉曰含含口實車馬曰賵左

氏傳禮也公羊傳含者何口實也其言歸含且賵何

兼之兼之非禮也穀梁傳含一事也賵一事也兼歸

之非正也其曰且志兼也其不言來不周事之用也賵

以早莊乘馬曰賵乘馬所以助葬成風未葬故書早而含以晚莊已殯故言晚

三月王使召伯來會葬莊注召伯天子之卿也召采地伯辭也來不及葬不識者不失五月之內

昭公七年左氏傳衛襄公卒衛齊惡告喪于周王使成

簡公如衛弔

右周賵葬

春秋隱公三年秋武氏子來求賻莊注武氏子大夫之嗣也平王喪在殯新王未得行其爵命

葬也公羊傳武氏子者何天子之大夫也其稱武氏

子何譏何譏爾父卒子未命也何以不書使當喪未君

也喪事無求求賻非禮也

桓公十有五年春二月天王使家父來求車左氏傳

非禮也諸侯不貢車服莊注車服上之天子不私求財常職貢也

公羊傳何以書譏何譏爾王者無求求車非禮也

穀梁傳古者諸侯時獻于天子以其國之所有故有辭

讓而無徵求求車非禮也求金甚矣

文公九年春毛伯來求金莊注求金以其葬事雖踰年而未葬故不稱于使左氏傳

非禮也不書王命未葬也

右周使求

國語周語定王六年使單襄公聘於宋遂假道于陳以

聘于楚火朝覲矣道弗不可行也注單襄公王卿士單朝也聘問也問者王之所以撫萬國存省

之假道自宋適楚經陳也是時天子微弱故以諸侯相聘之禮假道也聘禮若過國至於境使次介假道束帛將命於廟候不在疆注候候

送迎賓客者疆境也司空不視塗注司空卿官掌道路也澤不陂川不梁野有庾積

場功未畢道無列樹墾田若蕪膳宰不致餼注膳宰膳夫也掌賓客之牢禮

司里不授館注司里里宰也掌授客館國無寄寓注寓亦寄也無寄寓者不為虛舍可以寄羈旅之客縣

靈公與孔甯儀行父南冠以如夏氏留賓弗見注甯單襄公也單

子歸告王曰陳侯不有大咎國必亡王曰何故對曰夫

辰角見而雨畢天根見而水涸本見而草木節解駟見

而隕霜火見而清風戒寒故先王之教曰雨畢而除道

水涸而成梁草木節解而備藏隕霜而冬裘具清風至

而修城郭宮室故夏令曰九月除道十月成梁其時倣

曰收而場功備而畚揭營室之中土功其始火之初見

期於司里此先王之所以不用財賄而廣施德於天下

者也今陳國火朝覲矣而道路若塞野場若棄澤不陂

障川無舟梁是廢先王之教也周制有之曰列樹以表

道立鄙食以守路國有郊牧疆有寓望藪有圃草囿有

林池所以禦災也其餘無非穀土民無縣耜野無輿草

不奪民時不蔑民功有優無匱有逸無罷國有班事縣

有序民今陳國道路不可知田在草間功成而不收民

罷於逸樂是棄先王之法制者也周之秩官有之曰敵

國賓至關尹以告行理以節逆之候人為導卿出郊勞

門尹除門宗祝執祀司里授館司徒具徒司空視塗司

寇詰姦虞人入材甸人積薪火師監燎水師監濯膳宰
致饗廩人獻饋司馬陳芻工人展車百官官以物至賓
人如歸是故小大莫不懷愛其貴國之賓至則以班加
一等益虔至於王使則皆官正莅事正長也上卿監之
禮也若王巡守則君親監之今雖朝也不才有分族於周
承王命以為過賓於陳而司事莫至是蔑先王之官也
先王之令有之曰天道賞善而罰淫故凡我造國無從
非彝無卽悖淫各守爾典以承天休今陳侯不念允續
之常棄其伉儷妃嬪而帥其卿佐以淫於夏氏不亦瀆
姓矣乎陳我大姬之後也棄袞冕而南冠以出不亦簡
彝乎是又犯先王之令也昔先王之教茂帥其德也猶
恐隕越若廢其教而棄其制蔑其官而犯其令將何以
守國居大國之間而無此四者其能久乎八年陳侯殺

於夏氏九年楚子入陳

右過國

遣使詣蕃

附

蕙田案經傳所言遣使之事皆天子於服內
諸侯之禮九州之外未嘗通使秦漢以來封
建廢而諸侯之禮闕邊事開而蕃國之禮興
輯遣使詣蕃篇附焉

漢書兩粵傳高帝十一年遣陸賈立尉佗為南粵王與
剖符通使使和輯百粵毋為南邊害

陸賈傳賈至尉佗魁結箕踞見賈賈因說佗曰足下
中國人親戚昆弟墳墓在真定今足下反天性棄冠
帶欲以區區之越與天子抗衡為敵國禍且及身矣
於是佗乃蹶然起坐謝賈曰居蠻夷中久殊失禮義

留與飲數月

文帝元年詔丞相平舉可使粵者平言陸賈先帝時使粵上召賈爲太中大夫謁者一人爲副使賜佗書陸賈至南粵王恐乃頓首謝願奉明詔長爲藩臣奉貢職後漢書南匈奴傳建武二十六年遣中郎將段郴副校尉王郁使南單于立其庭去五原西部塞八十里單于乃延迎使者使者曰單于當伏拜受詔單于願望有頃乃伏稱臣拜訖令譯曉使者曰單于新立誠慙於左右願使者眾中無相屈折也

三十一年單于薨中郎將段郴將兵赴弔祭以酒米分兵衛護之弟左賢王莫立帝遣使者齎璽書鎮慰拜授璽綬遺冠幘絳單衣三襲童子佩刀緹帶各一又賜緡絲四千匹令賞賜諸王骨都侯已下其後單于薨弔祭慰賜以此爲常

右兩漢遣使詣蕃

唐開元禮皇帝遣使詣蕃宣勞

前一日執事者設使者次於大門外道東南向其日使者至執事者引就次使者以下俱公服蕃主朝堂立於東階東南西面使者出次執事者引使者立於大門外之西東面使副立於使者西持節者立於使者之北少退令史二人對舉詔書案立於使副西南俱東向執事者引蕃主迎使者于門外之南北面再拜使者不答拜執事者引使者入持節者前導持案者次之入門而左使者詣階間南面立持節者立於使者東少南西面使副立于使者西南持案者立使副西南俱東面執事者引蕃主人立於使者之南北面持節者脫節衣持案者

進使者前使副取詔書持案者退復位使副進授使者
退復位使者稱詔蕃主再拜使者宣詔訖蕃主又再拜
執事者引蕃主進使者前北面授詔書退立于東階東
南西面持節者加節衣執事者引使者持節者前導持
案者次之出復門外位執事者引蕃主拜送於大門外
使者還于次執事引蕃主人

右唐遣使詣蕃

宋史禮志宋使外國謂之國信使太祖開寶八年遣西
上閣門使郝崇信使契丹以太常丞呂端副之自是信
使不絕真宗景德二年太常博士周漸假太府卿右侍
禁閣門祇候郭盛假西上閣門使為契丹國生辰使職
方郎中直昭文館韓國華假秘書丞衣庫副使焦守節
假西上閣門使為契丹國母止旦使秘書丞張若谷假

將作監內殿崇班郭允恭假引進副使為國主正旦使
自是歲以為常

宋史新編羣臣朝覲出使宴餞宋沿五代舊制大臣入
覲及被召使回客省齋籤賜酒食或十日或七日或五
日或一日或賜生料有差羣臣使回朝見面賜酒食直
宗詔兩省五品尚書省四品諸司三品以上同列出使
許醪錢餞飲仍休假日餘官任以休務日餞送
遼史禮志宋使見皇太后儀宋使賀生辰正旦至日臣
僚昧爽入朝使者至幕次臣僚班齊皇太后御殿坐宣
徽使押殿前班起居畢捲班次契丹臣僚班起居畢引
應坐臣僚上殿就位立其餘臣僚不應坐者退於東面
侍立漢人臣僚東洞門人面西鞠躬舍人鞠躬通某以
下起居凡七拜畢贊各祇候引應坐臣僚上殿就位立

中書令大王西階上殿奏宋使并從人膀子訖就位立其餘臣僚不應坐者退于西面侍立次引宋使副六人於東洞門入丹墀內面殿齊立閣使自東階下受書匣使人捧書匣者皆跪閣使搢笏立受書匣自東階上殿欄內鞠躬奏封全訖授樞密開封宰臣對皇太后讀訖引使副六人東階上殿欄內立使者揖生辰節大使少前使者俛伏跪附起居訖起復位立次引賀皇太后正旦大使附起居如前儀皇太后宣問南朝皇帝聖躬萬福舍人揖生辰大使并皇太后正旦大使少前皆跪唯生辰大使奏來時聖躬萬福皆俛伏與引東階下殿丹墀內面殿齊立引進使引禮物於西洞門入殿前置擔牀控鶴官起居四拜擔牀于東便門出畢揖使副退於東方西面皆鞠躬舍人鞠躬通南朝國信使某官某以

下祇候見舞蹈五拜畢不出班奏聖躬萬福再拜掛班首出班謝面天顏訖復位舞蹈五拜畢贊各上殿祇候引各使副西階上殿就位句從人兩洞門入面殿鞠躬通名贊拜起居四拜畢贊各祇候分班引兩洞門出若宣問使副跋涉不易引西階下殿丹墀內舞蹈五拜畢贊各上殿祇候引西階上殿就位立契丹舍人漢人閣使齊贊拜應坐臣僚并使副皆拜稱萬歲贊各就坐行湯行茶供過人出殿門揖臣僚并使副起鞠躬契丹舍人漢人閣使齊贊皆拜稱萬歲贊各祇候先引宋使副西階下殿西洞門出次揖臣僚出畢報閣門無事皇太后起

宋使見皇帝儀宋使賀生辰正旦至日臣僚味爽入朝使者至幕次奏班齊聲賀皇帝升殿坐宣徽使押殿前

班起居畢捲班出契丹臣僚班起居畢引應坐臣僚上殿就位立其餘臣僚不應坐者並退於北面侍立次引漢人臣僚北洞門入面殿鞠躬舍人鞠躬通某官某以下起居皆七拜畢引應坐臣僚上殿就位立引首相南階上殿奏宋使并從人榜子就位立臣僚並退於南面侍立教坊入起居畢引南使副北洞門入丹墀內面殿立閣使北階下殿受書匣使人捧書匣者跪閣使搢笏立受於北階上殿欄內鞠躬奏封全訖授樞密開封宰相對皇帝讀訖舍人引使副北階上殿欄內立揖生辰大使少前俛伏跪附起居俛伏興復位立大使俛伏跪奏訖俛伏興退引北階下殿揖使副北方南面鞠躬舍人鞠躬通南朝國信使某官某以下祇候見起居七拜畢揖班首出班謝面天顏舞蹈五拜畢出班謝遠接御筵撫問湯藥舞蹈五拜畢贊各祇候引出歸幕次閣使傳宣賜對衣金帶句從人以下入見舍人贊班首姓名以下再拜不出班奏聖躬萬福贊再拜稱萬歲贊各祇候引出舍人傳宣賜衣使副并從人服賜衣畢舍人引使副入丹墀內面殿鞠躬舍人贊謝恩拜舞蹈五拜畢贊上殿祇候引使副南階上殿就位立句從人人贊謝恩拜稱萬歲贊有勅賜宴再拜稱萬歲贊各祇候承受官引北廊下立御牀入大臣進酒皇帝飲酒契丹舍人漢人閣使齊贊拜應坐并侍立臣僚皆拜稱萬歲贊各祇候卒飲贊拜應坐臣僚皆拜稱萬歲贊各就坐行酒親王使相使副共樂曲若宣令飲盡並起立欲訖放璫就位謝贊拜並隨拜稱萬歲贊各就坐次行方茵地坐臣僚等官酒若宣令飲盡贊謝如初殿上酒一行畢贊

廊下從人拜稱萬歲贊各就坐若傳宣令飲盡並拜稱萬歲贊各就坐殿上酒三行行茶行殺行膳酒五行候曲終揖廊下從人起贊拜稱萬歲贊各祇候引出曲破臣僚并使副並起鞠躬贊拜應坐臣僚并使副皆拜稱萬歲贊各祇候引使副南階下殿丹墀內舞蹈五拜畢贊各祇候引出次引眾臣僚下殿出畢報閣門無事皇帝起聲蹕

曲宴宋使儀昧爽臣僚入朝宋使至幕次皇帝升殿殿前教坊契丹文武班皆如初見之儀宋使副綴翰林學士班東洞門入面西鞠躬舍人鞠躬通文武百僚臣某以下起居七拜謝宣召赴宴致詞訖舞蹈五拜畢贊各上殿祇候舍人引大臣使相臣僚使副及方茵朶殿應坐臣僚並于西階上殿就位立其餘不應坐臣僚並於西洞門出句從人入起居謝賜宴兩廊立如初見之儀二人監瓊教坊再拜贊各上殿祇候御牀入大臣進酒舍人閣使贊拜行酒皆如初見之儀次行方茵朶殿臣僚酒傳宣飲盡如常儀殿上酒一行畢兩廊從人行酒如初殿上行餅茶畢教坊致語揖臣僚使副并廊下從人皆起立候口號絕揖臣僚等皆鞠躬贊拜殿上應坐并侍立臣僚皆拜稱萬歲贊各就坐次贊廊下從人拜亦如之歇宴揖臣僚起立御牀出皇帝起入閣引臣僚東西階下殿還幕次內賜花承受官引從人出賜花亦如之簪花畢引從人復兩廊位立次引臣僚使副兩洞門入復殿上位立皇帝出閣復坐御牀入揖應坐臣僚使副及侍立臣僚鞠躬贊拜稱萬歲贊各就坐贊兩廊從人亦如之行單茶行酒行膳行果殿上酒九行使相

樂曲聲絕揖兩廊從人起贊拜稱萬歲贊各好去承受
引出曲破殿上臣僚使副皆起立贊拜稱萬歲贊各祇
候引臣僚使副東西階下殿契丹班謝宴出漢人并使
副班謝宴舞蹈五拜畢贊各好去引出畢報閣門無事
皇帝起

賀生辰正旦宋使朝辭太后儀臣僚使副班齊如曲宴
儀皇太后升殿坐殿前契丹文武起居上殿畢宰臣奏
宋使副從人朝辭榜子畢就位立舍人引使副北洞門
入面南鞠躬舍人鞠躬通南朝國信使某官某以下祇
候辭再拜不出班奏聖躬萬福再拜出班戀闕致詞訖
又再拜贊各上殿祇候舍人引南階上殿就位立引從
人贊姓名再拜奏聖躬萬福再拜稱萬歲贊各好去引
出殿上揖應坐臣僚并使副就位鞠躬贊拜稱萬歲贊

各就坐行湯行茶畢揖臣僚并南使起立與應坐臣僚
鞠躬贊拜稱萬歲贊各祇候立引使副六人於欄內拜
跪受書匣畢直起立揖少前鞠躬受傳答語訖退於北
階下殿丹墀內面殿鞠躬舍人贊各好去引出臣僚出
賀生辰正旦宋使朝辭皇帝儀臣僚入朝如常儀宋使
至幕次于外賜從人衣物皇帝升殿宣徽契丹文武班
起居上殿如曲宴儀中書令奏宋使副并從人朝辭榜
子畢臣僚並於南面侍立教坊起居畢舍人引使副六
人北洞門入丹墀北方面南鞠躬舍人鞠躬通南朝國
信使某官某以下祇候辭再拜起居戀闕如辭皇太后
儀贊各祇候平身立揖使副鞠躬宣徽贊有勅使副再
拜鞠躬平身立宣徽使贊各賜卿對衣金帶疋段弓箭
鞍馬等想宜知悉使副平身立揖大使三人少前俛伏

跪搢笏閤門使授別錄賜物過畢俛起復位立揖副使
三人受賜亦如之贊謝恩舞蹈五拜贊上殿祇候舍人
引使副南階上殿就位立引從人贊謝恩再拜起居再
拜贊賜宴再拜皆稱萬歲贊各祇候承受引兩廊立御
牀入皇帝飲酒舍人閤使贊臣僚使副拜稱萬歲皆如
曲宴應坐臣僚拜稱萬歲就坐行酒樂曲方茵兩廊皆
如之行殿行茶行膳亦如之行饅頭畢從人起如登位
使之儀曲破臣僚使副皆起立拜稱萬歲如辭太后之
儀使副下殿舞蹈五拜贊各上殿祇候引北階上殿欄
內立揖生展正旦大使二人少前齊跪受書畢起立揖
馨折受起居畢退引北階下殿丹墀內並鞠躬舍人贊
各好去引南洞門出次引殿上臣僚南北洞門出畢報
閤門無事

蕙田案宋遼以敵國遣使往來非蕃國比然
宋自眞宗與遼議和百餘年間南北無兵革
之警遼志所載宋使人見曲宴朝辭之儀大
約依仿宋儀而爲之彬彬郁郁有可觀者附
見於此以存一時之典故云

右宋遼遣使

續文獻通考元太祖六年遣使至畏吾兒國其主亦都
護大喜厚爲之禮因遣使納款

世祖中統元年遣禮部郎中孟甲員外李俊使安南諭
安南責其未奉王命甲與俊至安南宣諭詔旨安南世
子受詔奉命而還

至元四年遣使賜高麗國王王植羊五百 五年遣使
賜安南國王陳光昞錦繡及其諸臣有差

二十八年遣禮部尚書張立道使安南至境安南世子陳日燇遣迓者接踵及近郊百官恭迎詔書既而日燇乘輦以鸞仗就館迎詔羣臣公服徒行奉隨至明霞閣下日燇與近臣七八人登壽光殿龍椅前置香案日燇再拜自宣詔旨畢日燇曰恭睹天詔不勝嘉躍願祝皇帝萬歲壽

右元遣使詣蕃

明史禮志明祖既定天下分遣使者奉詔書往諭諸國或降香幣以祀其國之山川撫柔之意甚厚而不傷國體視前代爲得明集禮遣使詣蕃

遣使開詔儀注

前期翰林院官承旨草詔奏聞訖前一日禮部告百官

於皇城守宿至日鳴鐘後具朝服侍班內使監設御座香案於奉天殿向寶卿設寶案於御座之南用寶案於詔書案之東侍儀司設詔書案於寶案之南設承制官位於殿上之東及丹陛之東南設使者拜位於丹墀中道稍西北向興儀二人於丹陛上之南東西相向知班二人位於使者之北東西相向贊禮二人位於知班下之北東西相向設文武百官侍立位於文武樓之北文東武西東西相向文武侍從班於殿上之左右設引文武班舍人四人位於文武官之北東西相向設引使者二人位於使者之北東向拱衛司光祿寺官對立位於奉天門之左右俱東西相向將軍二人位於殿上簾前東西相向將軍六人於奉天門之左右東西相向又將軍四人於丹陛上之四隅東西相向又將軍六人於奉

天殿之左右東西相向鳴鞭四人於丹陛上北向是日
金吾衛於午門外陳設甲士軍仗東西相向拱衛司陳
設儀仗於丹陛丹墀之東西設遮詔書黃蓋於奉天殿
門前和聲郎設樂於丹墀之南侍儀司設龍亭儀仗大
樂於午門外正中擊鼓初嚴催班舍人催文武官具朝
服導駕官侍從官入迎車駕次嚴引班舍人引文武官
入就侍立位引禮引使者具朝服立於丹墀之西以伺
三嚴侍儀奏外辦皇帝通天冠絳紗袍出謹身殿樂作
尚寶捧寶前導侍從導引如常儀陞奉天殿御座樂止
尚寶以寶置於案捲簾鳴鞭報時雞唱訖禮部官捧詔
書於寶案前尚寶用寶訖中書省官禮部官同捧至御
座呈奏訖禮部官用黃銷金袱裹詔書置盤中置於案
引禮引使者就丹墀拜位典儀唱鞠躬拜興拜興拜興
拜興平身使者鞠躬樂作拜興拜興拜興拜興平身樂
止承制官進詣御座前跪承制訖由中門出至丹陛上
宣制位承制官稱有制典儀唱跪使者跪承制官宣制
曰皇帝勅使爾某奉詔諭某國爾宜恭承朕命宣制訖
承制官由西門入典儀唱俛伏興平身使者俛伏興平
身典儀唱鞠躬拜興拜興拜興平身使者鞠躬樂
作拜興拜興拜興拜興平身樂止禮部官詣案捧詔由
殿中門出拱衛司擎黃蓋遮護降自中陛至使者位前
以授使者大樂振作使者捧詔書由奉天門申出至午
門外以詔置龍亭中侍儀奏禮畢皇帝興樂作還宮樂
止引禮引文武官以次出分選各衙門正官一員奉送
詔書出國門外使者齎奉以行

蕃國接詔儀注

使者入蕃國境先遣關人馳報於王王遣官遠接詔書
前期令有司於國門外公館設幄結綵設龍亭於正中
設香案於龍亭之南備金鼓儀仗鼓樂伺候迎引又於
國城內街巷結綵於王宮內設闕庭於殿上正中設香
案於闕庭之前設司香二人於香案之左右設詔使立
位於香案之東設開讀案位於殿陛之東北設蕃王拜
位於殿庭中北向設蕃國眾官拜位於蕃王拜位之南
異位重行北向設捧詔官位於開讀案之北宣詔官位
於捧詔官之南展詔官二人於宣詔官之南俱西向司
禮二人位於蕃王拜位之北東西相向引禮二人位於
司禮之南東西相向引班四人位於眾官拜位之北東
西相向陳儀仗於殿庭之東西設樂位於眾官拜位之
南北向遠接官接見詔書迺至館中安奉於龍亭中遣

使馳報王是日王率國中眾官及耆老僧道出迎於國
門外迎接官迎詔書出館至國門金鼓在前次耆老僧
道行次眾官具朝服行次王具冕服行次儀仗鼓樂次
詔書龍亭使者常服行於龍亭之後迺迎至宮中金鼓分
列於門外之左右耆老僧道分立於庭中之東西置龍
亭於殿上正中使者立於龍亭之東引禮引王入就拜
位引班引眾官及僧道耆老各入就拜位使者詣前南
向立稱有制司贊唱鞠躬拜興拜興拜興拜興平身蕃
王及眾官以下皆鞠躬樂作拜興拜興拜興拜興平身
樂止引禮引蕃王由西階升詣香案前北向立引禮唱
跪蕃王跪司贊唱眾官皆跪眾官以下皆跪引禮唱上
香上香三上香司香捧香跪進於王之左王三上香訖
引禮唱俛伏興平身蕃王及眾官以下皆俛伏興平身

引禮引蕃王復位司贊唱開讀宣詔官展讀官陞案使
者詣龍亭捧詔書授捧詔官捧詔官前受詔捧至開讀
案授宣詔官宣詔官受詔展詔官對展司贊唱跪蕃王
及眾官以下皆跪宣詔官宣詔訖捧詔官於宣詔官前
捧詔書仍置於龍亭司贊唱俛伏與平身蕃王及眾官
以下皆俛伏與平身司贊唱鞠躬拜興拜興拜興
平身蕃王及眾官以下皆鞠躬樂作拜興拜興拜興
與平身樂止司贊唱搢笏鞠躬三舞蹈三拱手加額山
呼萬歲山呼萬歲再山呼萬歲出笏俛伏與樂作拜興拜興
拜興拜興樂止禮畢引禮引蕃王退引班引眾官以次
退蕃王及眾官釋服使者以詔書付所司頒行蕃王與
使者分賓主行禮

遣使賜印綬儀注賜禮物儀同

前期禮部承旨印文式樣奏聞符下鑄印局鑄完進呈
聞奏前一日內使監設御座香案於奉天殿侍儀司設
賜印案於丹陛上之東設承制官位於殿上之東及宣
制位於丹陛之東南設使者拜位於丹墀中道稍西北
向設文武官侍立位於文武樓之北文武東西相
向侍從班位於殿上之東西拱衛司光祿司官位於殿
門之左右設典儀位於丹陛上之南東西相向知班二
人位於使者之北贊禮二人位於知班之北俱東西相
向引使者二人位於使者拜位之北西立東向引文武
班舍人位於文武官之北稍後東西相向將軍二人位
於殿上簾前東西相向將軍四人位於丹陛上之四隅
東西相向將軍六人位於奉天殿門之左右東西相向
將軍六人位於奉天門之左右東西相向鳴鞭四人位

五禮通考卷之三十三 天子遣使諸儀 三

於丹陛中北向是日宿衛陳兵仗於午門外之東西拱
衛司陳設儀仗於丹陛丹墀之東西和聲郎設樂位於
丹墀使者拜位之南禮部設龍亭儀仗大樂於午門外
擊鼓初嚴催班舍人催百官具朝服執事者入就位導
駕官侍從官入迎車駕次嚴引班引文武百官入就侍
立位引禮引使者入丹墀西立東向禮部官陳設所賜
印於丹陛案上如有禮物
設禮物案三嚴侍儀奏外辦皇帝於謹身
殿服皮弁服出樂作侍從導引如常儀皇帝陞奉天殿
御座樂止捲簾鳴鞭雜唱報時訖引禮引使者就拜位
立定贊禮唱鞠躬拜興拜興拜興拜興拜興拜興拜興
樂作拜興拜興拜興拜興拜興拜興拜興拜興拜興拜興
跪承制訖由中門出至丹陛上宣制位稱有制贊禮唱
跪使者跪承制官宣制曰皇帝勅使爾某授某國王印

爾其恭承朕命如有賜禮物
就宣賜某物宣制訖承制官由殿西門入贊
禮唱俛伏興平身使者俛伏興平身贊禮唱鞠躬拜興
拜興拜興拜興拜興平身使者鞠躬樂作拜興拜興拜興拜興
興平身樂止禮部官捧印由中陛降以授使者使者搯
笏奉印由奉天殿中門出如賜禮物則
捧禮物出侍儀奏禮畢皇帝興
樂作入宮樂止使者以印置於龍亭中引班引百官以
次出各衙門以正官一員設儀仗大樂送印至國門外
使者奉印以行

蕃國受印物儀注

使者至蕃國境先遣關人入報蕃王遣官遠接前期有
司於國門外公館設幄結綵設龍亭於館之正中備金
鼓儀仗鼓吹於館所以伺迎引又於國城內街巷結綵
又於王宮設闕庭於殿上正中設香案於闕庭之前設

蕃王受賜予位於香案之前設蕃王拜位於殿庭正中
北向眾官拜位於王拜位之南異位重行北向設樂位
於眾官拜位之南北向司贊二人于蕃王拜位之北東
西相向引禮二人於司贊之南東西相向引班四人於
眾官拜位之北東西相向陳儀仗於殿庭之東西遠接
官接見使者迎至館所以上賜安奉於龍亭中遣使馳
報王是日蕃王率百官出迎於國門外遠接官迎上賜
出館至國門金鼓在前次眾官常服乘馬行次王乘馬
行次儀仗鼓樂次上賜龍亭使者常服乘馬行於龍亭
之後迎至宮中金鼓分列於殿外門之左右眾官分立
殿庭之東西置龍亭於殿上正中使者立於龍亭之東
引禮引蕃王引班引眾官各就拜位立定司贊唱鞠躬
拜興拜興拜興拜興平身蕃王及眾官皆鞠躬樂作拜

興拜興拜興拜興平身樂止引禮引蕃王詣龍亭前使
者稱有制引禮贊跪司贊唱跪蕃王與眾官皆跪使者
宣制曰皇帝敕使某持印賜爾國王某并賜某物宣畢
使者捧所賜印并某物西向授蕃王蕃王跪受以授左
右訖引禮唱俛伏興平身司贊唱俛伏興平身蕃王及
眾蕃官皆俛伏興平身引禮引蕃王出復位司贊唱鞠
躬拜興拜興拜興拜興平身蕃王及眾官皆鞠躬樂作
拜興拜興拜興拜興平身樂止司贊唱禮畢引禮引蕃
王入殿西立東向使者東立西向引禮唱鞠躬拜興拜
興平身使者與蕃王皆鞠躬拜興拜興平身使者降自
東階蕃王降自西階遣官送使者還館

蕙田案明史遣使之蕃國儀與明集禮同而
不如集禮之詳備故不重錄

右明遣使詣蕃

五禮通考卷第二百二十七

五禮通考卷第二百二十八

內廷撰禮部右侍郎金匱秦纂用編輯

翰林院編修蔣錢大昕

李太保總督魏都御史桐城方觀承同訂

參校

賓禮九

諸侯相朝

蕙田案大宗伯以賓禮親邦國不及邦交之
 文者詳于王朝畧于邦國也至大行人始述
 歲問殷聘世朝之制而其儀節則掌于司儀
 其牢禮則詳于掌客先王之于諸侯使之聯
 其情而達其好者無一不周浹而賅備故封
 建千八百侯而無強弱兼并之患焉儀禮有
 聘禮公食大夫禮而諸侯相朝則闕之今采
 集經傳以補其未備而以春秋經傳所書附

於後云

周禮秋官大行人凡諸侯之邦交歲相問也殷相聘也

世相朝也注父死子立曰世凡君即位大國朝焉小國聘焉此皆所以習禮

邦交謂同方岳者一往一來為交謂己是小國朝大國己是大國聘小國若敵國

則兩君自相往來司儀言相為賓是也但春秋之世有越方岳相聘者是以秦使

術來聘也使札來聘時

國數少故然非正法也

孔氏穎達曰襄元年知子來朝衛子叔晉知武子來聘左傳云凡諸侯即位小

國朝之大國聘焉都是小國故稱朝衛晉是大國故稱聘若俱是敵國亦得來

聘朝故司儀云諸侯相為賓是也若已初即位亦朝聘大國故文公元年公孫

放如齊左傳云凡君即位卿出並聘若已是小國則往朝大國故文十一年曹

伯來朝左傳云

即位而來見也

國語魯語先王制諸侯使五年四王一相朝也注賈侍中

云五年之

間四聘于王而一相朝

者將朝天子先相朝也

序訓上下之則制財用之節其間無由荒怠

春秋宣公十有四年左氏傳孟獻子言于公曰臣聞小

國之免於大國也聘而獻物注物玉帛

皮幣也

於是有庭實旅百

朝而獻功注獻其治國若征

伐之功於牧伯

於是有容貌采章嘉淑而有加

貨注容貌威儀容顏也采章車服文章也嘉淑令辭稱讚也加貨命有幣帛也言

在其則來報亦備

疏劉炫謂采章加貨則聘享獻國所有元纁珠組羽毛齒

革皆充衣服旌旗之飾可以為容貌物采文章嘉淑謂美善之物加貨言賄賂之

多皆資所獻亦庭實也於聘總言庭實於朝指其所有詳于君畧於臣也今知劉

說非者僖二十二年楚子入亨于鄭庭實旅百加邊豆六品又昭五年燕有好貨

賂有陪鼎二十九年葛盧來朝禮之加燕好此傳云嘉淑而有加貨故知加貨

庭實之等皆是主人待賓之物禮傳

賓之於主無加貨之文故杜為此解

謀其不免也誅而薦賄則無

及也

蕙用案庭實旅百容貌采章杜注謂主人所

以待賓劉炫則以為賓所獻以上下文義求

之劉說為長疏家曲護杜氏殊未安

成公十有二年左氏傳世之治也諸侯間于天子之事

則相朝也注王事間缺

則修私好於是乎有享宴之禮享以訓其儉注

五禮通考卷三十三 諸侯相朝

二

而慈惠以布政政以禮成民是以息

昭公五年左氏傳朝聘有珪珪以爲信享覲有璋也既朝聘而享

見也臣爲君使執璋 疏鄭氏先儒以爲朝聘之禮使執玉以授土國之君乃行

享禮獻國之所有覲見也謂行享禮以見主國之君也上公享王圭享后璋侯伯

子男享王璧享后琮公侯伯子諸侯享用璧琮子男于大國享君琥於夫人璜此

云享覲有璋者據上公享后言之所以特舉享后者舉璋與圭相對其實享禮圭

與璧琮琥璜皆有杜注則不然謂主國設酒食以饗賓賓則執璋以行禮故

破享爲饗即大行人三饗三食二宴之類是也但饗禮既亡執璋無文耳設机

而不倚爵盈而不飲行禮宴有好貨注受飲以貨爲好衣餼有

陪鼎注熱食爲餼陪加也加鼎所以厚殷勤 疏聘禮賓始入館宰夫朝服設餼

日羞以其陳言之則曰陪鄭以餼禮小饗饌禮大故云食不備禮曰餼羞鼎則陪鼎也以其實言之則

餼不備也杜以餼生而餼熟故云熱食曰餼周禮掌客云凡諸侯之禮上公餼五牢

侯伯餼四牢子男餼三牢是朝聘皆有餼也入有郊勞注賓至逆出有贈賄注去則贈禮

之至也

蕙田案杜氏以享覲有璋爲饗食之禮於經無據當從鄭義

昭公三年左氏傳昔文襄之霸也注晉文公襄公其務不煩諸侯

令諸侯二歲而聘五歲而朝注明王之制歲聘開朝今簡之

右總論

禮記曾子問諸侯相見必告於禰疏下文云反必親告於祖禰出

禰朝服而出視朝注朝服爲事故也 疏事謂或會或甲之事諸侯朝服

耳 尊敬天子習其禮故著冕服諸侯相朝雖在廟受降下天子不敢冕服唯服臨朝

聽事之服非氏又云此朝服謂皮弁服也必知朝服皮弁服者聘禮諸侯相朝亦皮弁服此義爲勝也命祝史告於五

廟所過山川注山川所不過則不告亦命國家五官道而出反必

親告於祖禰乃命祝史告至於前所告者而後聽朝而

入注反必親告祖禰同出入禮 疏出入所告理不容殊而諸侯相見出不云

右告祭聽朝

春秋襄公三十一年左氏傳文公之爲盟主也宮室卑

庫無觀臺榭以崇大諸侯之館館如公寢庫廡繕修司

空以時平易道路圻人以時填館宮室注圻人塗者填塗也 疏釋宮云錫謂之圻李

巡曰塗工作具也郭璞云泥銀也然則坊是塗之所用因謂泥牆屋之人為坊人

諸侯賓至甸設庭燎注庭燎設火于

庭僕人巡宮車馬有所賓從有代注代巾車脂轄注巾車主

隸人牧圉各瞻其事注瞻視客百官之屬各展其物注展陳

官各陳其物以待賓公不畱賓而亦無廢事憂樂同之事則巡之教

其不知而恤其不足賓至如歸無甯蓄患不畏寇盜而

亦不患燥溼

右館舍

春秋襄公二十八年左氏傳子產相鄭伯以如楚舍不

為壇注至敵國郊除地封土為壇以受郊勞疏聘禮郊勞無壇之

言曰注外僕掌昔先大夫相先君適四國未嘗不為壇自

是至今亦皆循之今子草舍無乃不可乎子產曰大適

小則為壇小適大苟舍而已焉用壇僑聞之大適小有

五美宥其罪戾赦其過失救其蓄患賞其德刑教其不

及小國不困懷服如歸是故作壇以昭其功宣告後人

無怠于德小適大有五惡說其罪戾請其不足行其政

事其其職貢從其時命不然則重其幣帛以賀其福而

弔其凶皆小國之禍也焉用作壇以昭其禍所以告子

孫無昭禍焉可也

右壇

周禮秋官司儀凡諸公相為賓注謂相主國五積三問皆

三辭拜受皆旅擯再勞三辭三揖登拜受拜送注賓所停

關則問行道則勞其禮皆使卿大夫致之從來至去數如此也三辭辭其以禮來

於外也積問不言登受之於庭也鄭司農云旅讀為旅於泰山之旅謂九人傳辭

相授於上下竟問賓從末上行介還受上傳之元謂旅讀為鴻臚之臚臚陳之也

賓之介九人使者七人皆陳擯位不傳辭也賓之上介出請使者則前對位皆當

其末擯焉三揖謂庭中時也拜送使者疏積者遣人云十里有廬廬有飲食

三十里有宿宿有委五十里有市有積是也問者問不恙也勞謂勞苦之云皆

使卿大夫致之者案聘禮遣卿行勞禮臣來向遣卿勞明君來遣卿勞可知此再

勞一勞在境一勞在遠郊皆使卿其近郊勞當主君親為之也其積問當使大夫

故下句云致飧如致積之禮注云俱使大夫禮同也知致飧使大夫者見聘禮幸

夫朝服設飧幸夫即大夫問亦小禮明亦使大夫也先鄭以為旅擯與交擯同之

黃帝卷之三 諸侯相朝

後鄭不從者此臣禮云旅楨下文云主君郊勞交楨三辭明其別旅直陳楨介不傳辭交則一往一來傳辭也後鄭謂旅楨為鴻臚之臚臚陳之者案爾雅釋詁云尸旅陳也釋言云豫臚敘也注云皆陳敘也後鄭不從旅素山之旅從臚者欲取敘義也云賓之介九人者自從公介九人之禮云使者七人者自從降二等之禮云皆陳楨位不傳辭以下皆約聘禮主君大門內迎聘賓之位也云三揖請庭中時者如聘禮入門揖當曲揖當碑揖是也

鄭氏鏐曰旅楨者不上下相傳直賓及上楨相對而語不交楨也蔡氏德晉曰三辭三揖者賓每辭則揖而使若亦指以因請故三辭則皆三揖也

主君郊勞交楨三辭車逆拜辱三揖三辭拜受車送三還再拜
注主君郊勞備三勞而親之也鄭司農云交楨三辭謂賓主之楨者俱陳九介使傳辭也車逆主人以車迎賓於館也拜辱賓拜謝辱也元謂交楨者各再拜送之也車送迎之節各以其等則諸公九十步立當車軹也三辭重者先辭其以禮來於外後辭辭升堂疏云備三勞而親之者大行人有三問三勞之文也先鄭云車逆主人以車迎賓於館也拜辱賓拜謝辱也後鄭不從者此直是備三勞既來至國何有軹迎賓於館乎後鄭謂各陳九介者以其在道俱不為主故無五楨之事而各陳九介其位主君至館大門外北面而陳此九介去門九十九步東面賓在大門內於門外之東各陳九介西面云立當車軹也者賓主俱立當軹大行人

蔡氏德晉曰賓至近郊主君親出勞敬賓之臨臣再勞為未足復躬親之也

致館亦如之
注館舍也使大夫授之君又以禮親致焉疏聘禮云大夫帥君郊勞此視致館故知亦如之也凡云致者皆有幣以致之使若已自然也

致餼如致積之禮
注使大夫禮同也餼食也小禮曰餼大禮曰饗也積之禮者積在道已致故云知之云餼食也者以其有芻薪米禾食之類故云食也聘禮使宰夫設餼禮物又少故曰小饗餼有腥有牽芻薪米禾又多故曰大

鄭氏鏐曰賓已入館乃餼

王氏昭禹曰三辭拜受旅楨與致積同

及將幣交楨三辭車逆拜辱賓車進答拜三揖三讓每

門止一相及廟唯上相入賓三揖三讓登再拜授幣賓

拜送幣每事如初賓亦如之及出車送三請三進再拜

賓三還三辭告辟
注鄭司農云交楨楨者交也賓車進答拜賓上車進主進隨賓也賓三還三辭告辟人乃答其拜也及出車送三請主人三請留賓也三進出大門外迎賓見之而下拜其辱賓車乃前下答拜也三揖者相去九十步揖之使前也至而三讓讓入門也相謂主君楨者及賓之介也謂之相者於外傳辭耳入門當以禮詔侑也介紹而傳命者君子於其所尊不敢負敬之至也每門止一

相彌相親也君入門介拂闈大夫中棖與闈之間士介拂棖此謂介雁行相隨也
 止之者絕行在後耳賓三揖三讓讓升也登再拜授幣授幣為受主人拜至且受
 儀禮器曰諸侯相朝灌用鬯鬯無筭豆之薦謂此朝禮畢儀賓也上於下曰禮蔽者曰
 就車也主君每一請車一進欲遠送之也三還三辭主君一請者賓亦一還一辭
 疏此並在主君大門外賓去門九十步而陳九介主君在大門外之東陳五擯
 上擯人受命出請事傳辭與承擯承擯傳與末擯末擯傳與末介末介傳與承介
 承介傳與上介上介傳與賓賓又傳與上介上介傳與承介承介傳與末介末介
 傳與末擯末擯傳與承擯承擯傳與上擯上擯傳與末擯末擯傳與末介末介
 諸交擯者例皆如此也車逆拜辱者傳辭既訖主君乘車出大門至賓所下車拜
 賓屈辱來此也賓車進答拜者賓初升車進就主君主君下賓亦下車答主君拜
 也三揖者主君遙揖賓使前北面三讓入大門也每門止一相者既入門迴面
 東至祖廟之時祖廟西仍有二廟以其諸侯五廟始祖廟在中兩廂各有二廟各
 別院為之則有二門門傍皆有南北偏墻隔墻皆通門故得有每門若不從大
 門內即至祖廟之門何得有每門而云門上一相乎故為此解也云上相入者即
 上擯上介須認禮故須入云三揖者亦謂入門揖當曲揖當揖也云三讓登者
 至階主君讓賓賓讓主君如是者三揖若先升云再拜受幣者授幣為受賓主俱
 升主人在階階上北面拜乃就兩楹間南面賓亦就主君賓授玉主君受之故云
 再拜受幣也云賓拜送幣者賓既授乃退向西階上北面拜送幣乃降也先鄭言
 主人答拜後鄭不從者車逆拜辱已足主人今云車進答拜當是客何得主人再
 答拜所言三請問賓後鄭亦不從者行朝享禮賓訖送賓出禮既自何因更有
 留賓之事云介紹而傳命者此聘義文案彼介紹而傳命謂聘者旅摺法引證此
 交擯者但紹繼也謂介紹而陳則交擯旅摺皆得為紹故此交擯亦得紹介而
 傳命也案彼注質謂正自相當賓主不敢正自相當故須擯介通情也云君入門
 以下玉藻文君入門不言所拂者君入由闈西亦拂闈不言之者君特行不與
 介連類故不言也介拂闈者上介隨君後與大夫士介自為雁行於後也聘禮介

後亦入廟也謂享及有言也者按聘禮享夫人下云若有言東角如享禮是也
 云七於下曰禮蔽者曰儀者大行人云王禮再讓而
 辭之屬是上於下曰禮此諸侯云儀是蔽者曰儀也
 王氏詳說郊勞賓車迎主君而拜其辱者謝主君之遠出此將幣主君車迎賓
 而拜其辱者謝賓之遠來也車逆之後未入大門故知揖者在朝位賓主之間
 揖之使前也不曰禮而曰儀者觀禮儀氏之
 禮于天子使者曰儀故兩君相禮亦曰儀
 鄭氏鈔曰將幣交擯三辭者
 主君謙不敢當其將幣之禮

欽定義疏主君出送以車從備賓退乘以入且若將遠
 送故賓辭也及三辭則賓告辟以主君將拜驅而辟
 之不欲見主人之拜也主君再拜當在賓告辟後而
 序于前見賓告辟時主君即拜而賓已辟然後主賓
 之敬皆曲盡而各得其安也

致饗餼還圭饗食致贈郊送皆如將幣之儀
 注此六禮者唯
 餘主君親往親往者賓為主人主人為賓君如有故不親饗食則使大夫以酬幣
 侑幣致之鄭司農云還圭歸其玉也故公子車耳受殮反璧元謂聘以圭璋禮也
 享以璧琮財也已聘而還圭璋輕財而重禮贈送以財既贈又送至於郊疏案
 公食大夫禮君親食之君不親食則以侑幣致之聘禮云公於賓壹食再饗上介

五禮通考卷三百三 請侯相朝 六

壹食壹饗若不親食致之以幣幣致饗以酬幣以此知二者皆速賓也聘禮云君使卿歸饗餼又云賓迎於門外又云大夫東面致命君使卿還玉於館實迎於外門外不拜帥大夫以入以此二者知賓為主人主人為賓致贈郊送亦然可知也聘禮乃君於臣此兩君敬明主君親為之矣先鄭云公子重耳事見左傳僖公二十三年但彼反壁者義取不貪實意非還主故後鄭不從也後鄭謂聘以圭璋禮也昔聘義云以圭璋聘重禮也謂行聘禮也云享以璧琮財也者貢財貨時用璧琮以致之故云財也云贈送以財者聘禮實送行舍於郊公使卿贈如覲幣注云言如覲幣見為反報是贈幣將幣時實以命圭為摯禮既畢而蔡氏德晉曰饗餼致于賓之大禮也還圭謂將幣時實以命圭為摯禮既畢而還之也禮惟饗食二者主君為主其失禮也六禮惟饗食二者主君為主其餘君親往則賓為主而主君為賓矣

賓之拜禮拜饗餼拜饗食

注鄭司農云賓之拜禮者因言賓所當拜賓將去執朝拜謝此三禮三禮禮之重者也賓既拜主君乃至館贈之去又送之於郊疏按聘禮饗餼燕羞餼之明日賓皆拜於朝將去又三拜乘禽於朝被臣故盡拜謝此賓之拜禮在致贈郊送之下則不及燕羞餼乘禽以其君臣小惠將去准拜其大禮也案聘禮賓三拜乘禽於朝遂行舍於郊公使卿贈若然此致贈郊送在拜禮後今設文在前者欲取如將幣之儀故進文在前其贈送合在後也云賓既拜主君乃至館贈之去又送之於郊者鄭以贈送之文在前拜禮在後恐疑顛倒故此解之是其次也

欽定義疏主君親郊勞致館而拜禮不及何也二禮以拜其來朝之辱也故賓無庸拜之不拜還圭者還圭非加禮也

非加禮也

賓繼主君皆如主國之禮

注鄭司農云賓繼主君復主人之禮費也勞致館饗餼還圭贈郊送之時也如其禮者謂玉帛皮馬也賓之積者不郊也若饗食主君及燕亦速焉疏後鄭不從先鄭復主人之禮之說者以主人禮費多非賓所能復也後鄭以為賓主君者案聘禮君遣卿勞及致館等皆賓賓者報也上注云敵皆曰賓故此報主君為賓案聘禮云賓至於近郊君使卿朝服用束帛勞又云賓用束錦饋勞者君使卿章弁歸饗餼又云大夫奉束帛又云賓降授老幣出迎大夫注云出迎欲賓之庭實設馬乘賓降堂受老束錦賓奉幣西面大夫東面賓致幣是皆有賓法彼兩臣有賓此兩公有賓可知也彼聘禮君使卿致館無幣故亦無償臣於君雖他國亦不敢速君饗食此兩君故不同也上君有故不能親以有幣酌幣致之亦無償

蔡氏德晉曰主君方致禮而賓即答之故曰繼

諸侯諸伯諸子諸男之相為賓也各以其禮相待也如

諸公之儀

注賓主相待之儀與諸公同也饗餼饗食之禮則有降殺疏五於大行人掌客其進退升降揖讓之儀一與公同故云如諸公之儀

凡四方之賓客禮儀辭命餼牢賜獻以二等從其爵而

上下之

注上下猶豐殺疏二等謂降殺以兩爵尊者禮尊爵卑者禮殺

凡賓客送逆同禮

注謂郊勞不豐前而音後不敬始而怠終禮也

禮記玉藻君入門介拂闈大夫中棖與闈之間士介拂

注此謂兩君相見也棖門楔也君入必中門上介夾闈大夫介士介雁行於後示不相沿也若君迎聘客擯者亦然疏君必中門者謂當棖闈之中主君在闈東賓在闈西主君上擯在君之後稍近西而拂闈賓之上介

賈氏公彥曰以一闈言之君最近闈亦拂之而過上介則隨君而行拂闈而過所以與君同行者臣自爲一列主君既出迎賓主君與賓並入主君於東闈之內賓於西闈之內並行而入上介於西闈之外上賓於東闈之外皆拂闈次介

次擯皆大夫中棖與闈之間末介末擯皆士各自拂棖如是得君入中門之正上擯上介俱得拂闈又

得不踰尊者之迹矣

禮器諸侯相朝灌用鬱鬯無邊豆之薦

注灌獻也疏謂五等自相朝也朝享禮畢末

饗食之前王君酌鬱鬯之酒以獻賓示相接以芬芳之德不在殺味也司儀職云凡諸公相爲賓將幣畢云儀亦如之鄭云儀謂以鬱鬯禮賓也

周禮考工記玉人琢琮八寸諸侯以享夫人

注獻於所朝聘君之夫人也疏言以享夫人則是諸侯自相朝所用致享者也五等諸侯朝天子享用璧琮不降瑞若自相享降瑞一等此八寸據上公二王後自相享亦用璧琮八寸侯伯當六寸子男自相享退用琥璜降用四寸經言諸侯止是朝注兼云聘者其臣聘琮圭璋璧琮亦皆降一等與君寸數同故兼言聘也此經直言琮琮不言琮璧以享

君文器可知也

天戴禮諸侯相朝之禮各執其圭瑞服其服乘其輅建

其旌旗施其樊纓從其義車委積之以其牢禮之數所

以別義也介紹而相見君子於其所尊不敢質敬之至

也君使大夫迎於境卿勞於道君親郊勞致館及將幣

拜迎於大門外而廟受北面拜貺所以致敬也三讓而

後升所以致尊讓也敬讓也者君子之所以相接也諸

侯相接以敬讓則不相侵陵也此天子之所以養諸侯

兵不用而諸侯自爲正之具也君親致饗既還圭饗食

致贈郊送所以相與習禮樂也諸侯相與習禮樂則德

行修而不流也故天子制之諸侯務焉

薛氏禮圖諸侯相朝禮始至以所朝之意謁關人關

人報其君主君使大夫迎于境導以入凡入境皆有

禮記卷之三十一 諸侯相朝

八

委積以供賓使大夫士問勞陳擯而不傳詞皆上介
上擯親對而言其拜受于庭至郊君親勞乃交擯傳
事其拜受于堂及國使大夫授積備館君又以禮致
之又使大夫致餼將朝之前一日賓使人受次于主
人太祖之廟門外明且晁服釋幣于行主然後服弁
以至于君之大門朝位相去下車陳介之數皆如朝
覲禮主君出而迎賓各乘其車建其旂車至大門內
卿爲上擯大夫爲承擯士爲紹擯擯數依己之爵位
不計賓之尊卑主君車在門內擯者出門外上擯北
面受命而請賓來意南面傳詞遞相傳訖然後主君
進迎車出門遙見則下車其立之所當亦依其爵拜
賓之辱賓進答拜三揖三讓陳擯介爲相而入主君
及賓皆由棖闌之中擯介皆雁行于後主君先入至

中門則止一相令未介升于次介之行紹擯升于承
擯之行及至廟門又止一相次介升于上介之行承
擯升于上擯之行故云及廟惟上相入升堂受玉既
享則行夫人之禮享玉之法侯伯以上用璧琮子男
用琥璜皆以束帛然後加玉于上而致庭實隨國所
有分爲三享既受享主人以鬱鬯禮賓然後還館主
人致饗餼各依賓之命數大夫亦致牢禮然後主君
設享皆君親速賓而行之饗則有酬幣食則有侑幣
以將其厚意主君若不親饗食則使使者各以其幣
致之饗食則賓不擯主君之使還圭致贈郊送等皆
君親致于館時主君爲賓賓爲主人其介傳命之儀
皆如受幣之時賓所拜謝者拜饗餼拜饗食皆偕主
君之朝而拜謝之賓還館主君致贈送皆親之使大

夫送出于境

右行禮之節

周禮秋官司儀凡行人之儀不朝不夕不正其主面亦

不背客而已注謂擯相傳辭時也不正東鄉不正西鄉常視賓主之前卻得兩鄉之時為正

時為正

論語君召使擯注鄭曰君召使擯色勃如也注孔曰足躩如也

注包曰足躩所與立左右手衣前後檐如也其手揖右人右其

手一俛一仰衣趨進翼如也注孔曰言端好賓退必復命曰賓不顧矣

注鄭曰復命曰君賓已去矣疏此一節言君召孔子使為擯之禮也擯謂主國

之君所使出接賓者也左右手謂交擯傳命時趨進翼如者謂疾趨而進張拱端

好如鳥之張翼也諸侯自相為賓之禮介各從其命數至主國大門外主人及擯

出門相接若主君是公則擯者五人侯伯擯者四人子男擯者三人不隨命數者

謙也故並用強半之數也賓若至公至門外直當闕西去門九十步而下車當軹

止需而立其侯伯立當前侯胡下子男立當衡介立君之北遷迤西北並東嚮而

列主公出直闕東南西立擯在主人之南遷迤東南立並西嚮也末擯與末介

相對中間傍相去三丈六尺列擯介既竟則主君就擯求辭之法主人先傳

言與上擯上擯以至次擯次擯繼傳以至末擯末擯傳與賓末介末介以次繼傳

至于賓賓若辭隨其來意又從上介而傳下至末介末介又傳與末擯末擯傳

相次而上至于主人傳辭既竟而後進迎賓至門此司儀之交擯也若諸侯使卿

大夫相聘主君待之擯數如侍其君若公之使亦直闕西北嚮七介而去門七十

步侯伯之使列五介而去門五十步子男之使三介而去門三十步上擯出闕外

闕東南西嚮陳介西北東面遷迤如君自相見也末介末擯相對相去亦三丈六

尺陳擯介竟則不傳命而上擯進至末擯間南揖實實亦進至末介間上

擯揖而請事入告君君在限內後乃相與入也司儀及聘禮謂之旅擯

張子集注所與上擯謂同為擯者也擯用命

數之半如上公九命則用五人以次傳命

蕙田案交擯諸侯相朝之禮此云揖所與立

左右手則交擯非旅擯也

右擯介之容

周禮秋官司儀凡諸侯之禮上公五積皆眠餼牽三問

皆脩羣介行人宰史皆有牢注積皆視餼牽謂所共如餼而牽牲以

米實於筐豆實實於簠其設筐陳於楹內簠陳於楹外牢陳於門西車米禾芻薪

陳於門外壺之有無未聞三問皆脩脩脯也上公三問皆脩下句云羣介行人宰

史皆有牢君用脩而臣有牢非禮也蓋著脫字失處且誤耳疏云上公五積皆

眠餼牽者公國自相朝是上公待上公之禮有五積皆視餼一積眠一餼餼五牢

孟學通卷之三十八 諸侯相朝

十

也云不殺則無銅鼎者銅鼎即陪鼎是也但殺乃有銅鼎不殺則無銅鼎可知侯伯子男皆然鄭云簋蓋之實已下皆約公食大夫解之鄭云三問皆脩脯也對文脩是脩脩加舊桂榘之者脯乾肉舊者散文脩脯一也云著脫字大處者案下文凡介行人宰史皆在饗食燕下此時在上或見下文脫此語著於此或於下著說此剩不去故云然也下文皆云凡介此云羣介故云且誤耳

欽定義疏積用飧之牢以為禮也生而致之一夕遷次不盡用也始至則飧孰腥並陳嗣致饗餼飧牽並陳固是禮有大小亦順事之宜以適賓耳

飧五牢食四十簋十豆四十鉶四十有二壺四十鼎簋十有二牲三十有六皆陳

也其設蓋陳於楹外東西不過四列簋稻梁器也公十簋堂上六西夾東夾各二也侯伯八簋堂上四西夾東夾各二子男六簋堂上三西夾東夾各二也公四十四豆堂上十六西夾東夾各十二侯伯三十二豆堂上十二西夾東夾各十子男二十四豆堂上十二西夾東夾各六禮器曰天子之豆二十有六諸公十有六諸侯十有二大夫八下大夫六以聘禮差之則堂上之數與此同鉶羹器也公鉶四十二侯伯二十八子男十八非衰差也二十八書或為二十四亦非也其於衰公又當三十於言又為無施禮之大數鉶少於豆推其衰公鉶四十二宜為二十八蓋近之美則公鉶堂上十八西夾東夾各十侯伯堂上十二西夾東夾各八子男堂上十西夾東夾各四壺酒器也其設於堂夾如豆之數鼎牲器也簋黍稷器也鼎十有二者每牢一牢正鼎九與陪鼎二皆設於西階前簋十有二堂上

八西夾東夾各二合言鼎蓋者牲與黍稷俱食之主也牲當為腥腥之誤也腥謂腥鼎也於侯伯云腥二十有七斯故腥字也諸侯禮盛腥鼎有鮮魚鮮脯每牢皆九為列設於階前公腥鼎二十六腥四牢也侯伯腥鼎二十七腥三牢也子男腥鼎十八腥二牢也皆陳陳列也飧門內之寔備于矣亦有車米禾芻薪公飧五牢米二十車禾三十車侯伯四牢米禾皆二十車子男三牢米禾十車禾二十車芻薪皆倍其下疏云飧小禮者按聘賓大夫帥至館啣致館即云宰夫朝服設飧是其容始至之禮言小禮者對饗餼為大禮也云侯伯子男飧皆每牢其餘牢則腥者下唯言腥不言鉶此有鉶及鼎皆為一牢而言以是經雖不言鉶須言鉶之矣云其餘牢則腥腥之數備於下也云食者庶羞之美陳於楹外東西不遇四列者前所陳皆約公食大夫致食之禮今按公食若不親食庶羞陳於碑內者設於之時堂上皆有正饗無容庶羞之處楹外既空不須向碑內及堂下故疑在楹外陳之十以為列故四列也公食陳於碑內者由饗陳於楹外故在下也云簋盛稻梁以下皆約公食及聘禮致饗餼於大夫八豆下大夫六豆並是堂上豆數又六鄭以堂上豆數取聘禮致饗餼於大夫八豆下大夫六豆並是堂上豆數又取禮器天子之豆二十有六諸公十有六諸侯十有二謂侯伯子男同則亦是堂上豆數可知以此公文言四十侯伯三十二子男二十四其堂上豆數既約聘禮與禮器東西多少鄭以意差之與此同也云銅羹器也者銅器名銅器所以盛餼腫饒三等之羹故為銅羹云公銅四十二侯伯二十八子男十八非衰差也者衰差之法上下節級似若九若七若五若三若一節是衰差今公四十二侯伯二十八子男十八公於侯伯子男大縣絕故云非衰差也云二十八書或為二十四亦非也者侯伯若二十四為比公四十二校十八又以二十四比子男十八校六亦非其類故云亦非也云推其衰公銅四十二宜為三十八蓋近之者子男十八侯伯二十八公三十八以十為降殺是其衰也云公銅堂上十八西夾東夾各十侯伯堂上十二西夾東夾各八子男堂上十西夾東夾各四知如此差者亦約聘禮致饗餼以意準量而言云鼎牲器也者謂亨牲體之器云簋黍稷器也者鼎十有二者春飪一牢正鼎九與陪鼎三皆設於西階前者其陪鼎三設於內廉云簋十二者

堂上八西夾東夾各二知設如此者約聘禮而知之也牢鼎九者謂牛羊豕魚腊
膚與腸胃鮮魚鮮腊陪鼎三者稱臘也云合言鼎以牲與黍稷俱食之主者
黍稷與眾饌為主牲與羞物為主是俱得為食之主也此五等諸侯同簋十二按
聘禮致饗饗堂上八簋東西夾各六簋總二十簋彼臣多此君少者禮有損之而
益故也云牲當為腥聲之誤者腥謂腥鼎也於侯伯云腥二十有七其故腥字者
子男亦云牲十八是亦當為腥也云諸侯禮盛腥鼎有鮮魚鮮腊云云者此皆約
聘禮設饗而言按彼飪一當在西鼎九羞鼎三腥一牢在東鼎七致饗云腥二
牢鼎二十無鮮魚鮮腊設於阼階前西面陳如飪鼎二列此云三十六故知有鮮
魚鮮腊也云飪門內之實備仍有車米等是以云亦有車米米芻薪也云公飪五
牢米二十車米三十車以下皆約饗餼死牢而言以其饗餼云死牢如飪之陳上
公五牢死侯伯四牢死子男三牢死皆如飪之陳明此米禾數如此云芻薪皆倍
其禾者亦約饗餼禮也若然按聘禮米禾皆二十車者彼大夫禮豐小禮大夫飪
二牢故米禾皆抵之
米禾各二十車也

鄭氏鏐曰已上所致飪之物皆列于客館也食陳于楹外蕭與豆罍壺簋皆陳
于堂上及東西之夾鼎則陳于西階之前腥則陳于阼階之前凡此皆謂之門
內之實車米禾芻
薪之類列于門外

饗餼九牢其死牢如飪之陳牽四牢米百有二十筥醢
醢百有二十饗車皆陳車米抵生牢牢十車車秉有五
簋車禾抵死牢牢十車車三秬芻薪倍禾皆陳
禮也大夫既兼飪積有牲有腥有熟餘又多也死牢如飪之陳亦註一年在酉餘
腥在東也牽生牢也陳於門西如積也米橫陳於中庭十筥列每筥半斛公侯伯

列於門內者於公門內陳之也言車者行字耳車米載
也禾稷粟并刈者也聘禮曰四秉曰十筥曰十稷曰十秬曰十秠
也稷猶束也米禾之秉筥字同數異禾之秉手把耳筥讀為棟梧之稷謂一稷也
皆陳橫陳門外者也米在門東禾在門西芻薪離取數于禾薪從米芻從禾也鄭
司農說牽云牲可牽行者也故春秋傳曰饋牽竭矣秬讀為秬秬麻之秬
云大者既兼積積有牲有腥有熟餘又多也者假令上公饗餼九牢五牢死四牢
蓋止兼四耳言兼積積者以其牽與積同故云兼之也侯伯子男皆兼積不盡言餘
又多者謂米禾芻薪醢醢芻米之屬云牽生牢也陳於門西如積者亦橫陳於門
西而東上云米橫陳於中庭十筥列每筥半斛知然者前飪之陳及積之陳皆約
聘禮致饗法今於此支積在前已說故以此養餼向前如之故云如積也言如
積則亦如聘禮養餼也今此自米已下還約聘禮致饗餼法云公侯伯子男黍稷
稻皆二行公稷六行侯伯稷四行子男稷二行者彼云米百筥筥半斛設於中庭
十以爲列比上黍稷稻皆二行稷四行子男稷二行者彼云米百筥筥半斛設於中庭
八筥黍稷稻各二行更得二即足故知稷二行云醢醢夾碑從陳亦十筥列於
碑東醢在碑西者彼注云夾碑在庭之中央也醢在東醢穀陽也醢肉陰也言夾
碑故知從陳然侯伯醢百筥上介筥及饗如上賓上介四人米百筥此
數多於子男與侯伯等者上公醢醢百二十筥與王舉百二十筥全故鄭志云此
公乃二王後如是王之上公與侯伯俱同百二十筥與王舉百二十筥全故鄭志云此
是尊卑之差至於聘禮乃是臣法自爲一禮不相與亦是損之而益言車衍字者
言車載米之車不合在醢醢下言之又按
侯伯子男醢醢下皆無車字故知衍字也
王氏昭禹曰車米抵生牢牢十車車四牢則車米四十車也車禾抵
死牢牢十車死牢如飪之陳則車禾五十車也芻薪倍禾則百車也

王氏應電曰筮米陳於中庭以備貴者之食車米陳於門外賤者之食也

乘禽日九十雙股膳太牢以及歸三饗三食三燕若弗酌則以幣致之

注乘禽乘行羣處之禽謂雉鴈之屬於禮以雙為數殷中不享則以酬幣致之不食則以幣幣致之疏禽獻于禮雙為數者即此九十五及十中曰則二雙皆以雙為數是也云若弗酌以下皆約聘禮文不言致燕者饗食在廟燕在寢禮唯言致饗食者以合在廟燕疑之事不親即須致之燕禮不親酌蓋不致也

凡介行人宰史皆有餼饗餼以其爵等為之牢禮之陳數惟上介有禽獻

注凡介行人宰史眾臣從者皆也行人主禮宰史具主牢禮之陳數爵卿也則饋一牢饗陳五牢大夫也則饋大牢饗陳三牢士也則饋少牢饗陳太牢也此除小禮豐大禮也以命數則參差難等器於臣用爵而已疏云凡介行人鄭云行人主禮宰史具主書者按王制云太史典禮執簡記大史載筆士載言此云史止謂太史之屬官以其有爵等故也云行人主禮者主賓客之禮大行人之類是也按聘禮云史讀書宰執書告備具於君又堂饗具故公食大夫云宰夫具饗於房是掌具也云爵卿也則饋二牢饗陳五牢已下皆約禮禮之卿上介之大夫士介四人歸饗降殺而言也云此除小禮豐大禮也者小禮謂餼餼則去君遠矣并乘禽之等皆是小禮也大禮謂饗餼卿三牢于男卿與君等是豐大禮也云以命數則參差難等器於臣用爵而已者依命公侯伯

卿三命大夫再命士一命子男卿再命大夫一命士不命并有大夫國孤一人四命是從孤已下通一命不命有五等若以此命數五等為之則參差難可等故器於臣用爵而已爵則有三等易為等級也言器於臣用爵則君不依爵而用命即諸侯爵五等命唯三等大行人掌客皆依命是也

蕙田案聘禮之士介非上介也諸侯相朝惟上介有禽獻聘禮則眾介皆有之此君臣之等差也

夫人致禮八壺八豆八簋膳太牢致饗太牢食太牢卿皆見以羔膳太牢

注夫人致禮助君養賓也適豆陳於戶東壺陳於東序見之又膳之亦所以助君養賓也卿見又膳此聘禮卿大夫勞賓餼賓之類與疏云夫人致禮以下見聘禮致饗餼下大夫章介歸禮堂上簋豆設於戶東東上二以並東陳注設於戶東特饋位壺設於東序北上南陳饗黍清皆兩壺約此故知之也若然不使卿者按內宮云致后之賓客之禮注謂諸侯朝覲及女賓之賓客內宰是下大夫王后尚使下大夫况諸侯夫人乎故知使下大夫也云卿皆見至亦所以助君養賓言亦者亦夫人也云卿既見又膳此聘禮大夫勞賓餼賓之類與類與者接聘禮畢賓即館卿大夫勞賓賓不見大夫奠雁再拜上介受注云不言卿與大夫同執雁下見於國君周禮凡諸侯之卿見朝君皆執羔勞上介亦如之云餼賓太牢米八簋上介亦如之也朝君有膳無勞餼聘客有勞餼無膳明此事相當故云勞賓餼賓之類與

蔡氏德晉曰夫人之致禮豆蓬于饗餼時致之膳

太牢于設膳時致之致饗太牢食太牢于饗時致之

侯伯四積皆既飧牽再問皆脩飧四牢食三十有二簋
八豆三十有二鉶二十有八壺三十有二鼎簋十有二
腥二十有七皆陳饗餼七牢其死牢如飧之陳牽三牢
米百筥醯醢百蕃皆陳米三十車禾四十車芻薪倍禾
皆陳乘禽日七十雙殷膳大牢三饗再食再燕凡介行
人宰史皆有殮饗餼以其爵等為之禮唯上介有禽獻
夫人致禮八壺八豆八籩膳大牢致饗大牢卿皆見以
羔膳特牛子男三積皆既飧牽壹問以脩飧三牢食二
十有四簋六豆二十有四鉶十有八壺二十有四鼎簋
十有二牲十有八皆陳饗餼五牢其死牢如飧之陳牽
二牢米八十筥醯醢八十籩皆陳米二十車禾三十車
芻薪倍禾皆陳乘禽日五十雙壹饗壹食壹燕凡介行

人宰史皆有殮饗餼以其爵等為之禮唯上介有禽獻

夫人致禮六壺六豆六籩膳既致饗親見卿皆膳特牛

注於子男云膳視致饗言夫人致膳于小國君以致饗之禮則是不復饗也饗有
壺酒於子男云親見卿皆膳特牛見讀如卿皆見之見言卿于小國之君有不故
造館見者故造館見者乃致膳 疏云於子男云膳視致饗至饗有壺酒者公侯
伯夫人致禮則云八壺八豆八籩與膳大牢致饗大牢三者各別於子男夫人則
云膳視致饗則云饗有壺酒則致膳無酒矣故云饗有酒若然子男夫人於諸侯
唯有二禮以聘禮夫人於聘大夫直有邊豆壺又不致饗是其差也云於子男云
親見卿皆膳特牛見讀如卿皆見之見者上公侯伯直云卿皆見以羔於子男即
云親見卿作文有異此言親見卿似朝君親自來見卿有此嫌故讀從上文卿皆
見以兼之明此見亦是卿見朝君三卿之內有見者有不
見者若故造館見則致膳若不故造館見則不致膳也
王氏昭禹曰夫人致禮于侯伯不言食太牢則
不致食也於子男膳既致饗則并不致饗也
易氏祓曰鼎牲器也簋黍稷器也公侯伯子男皆
十有二而無所降殺者以牲與黍稷為食之主也

右致禮

禮記郊特牲朝覲大夫之私覲非禮也大夫執圭而使
所以申信也注其君親來其臣不敢私見於
主國君也以君命聘則有私見不敢私覲所以致敬
也而庭實私覲何為乎諸侯之庭注非其與
君無別為人臣者無

五禮通考卷之三十一 諸侯相朝

外交不敢貳君也

注私親是外交也 疏此一節論大夫從君朝 觀行私親非禮之事若專使而出則可為之

右大夫從君不私覲

禮記會子問會子問曰諸侯相見揖讓入門不得終禮廢者幾孔子曰六請問之曰天子崩大廟火日食后夫人之喪雨霑服失容則廢

注夫人君之夫人 疏此大廟火亦謂君 容天子大廟之火赴告 即至故知非王之大廟

右朝變禮

禮記郊特牲庭燎之百由齊桓公始也

注僖天子也庭燎之差 公蓋五十侯伯子男皆

三十 疏謂於庭中設火以照燎來朝之臣夜入者也禮天子百燎上公五十侯 伯子男三十齊桓公是請侯而僭用百後世襲之百者皇氏云作百定列于庭也 或云百炬 其一束也

蕙田案左氏傳云諸侯賓至甸設庭燎國語云敵國賓至火師監燎蓋庭燎惟朝聘之賓至乃設之疏以為庶燎來朝之臣非

右諸侯相朝失禮

春秋隱公十有一年春滕侯薛侯來朝 左氏傳滕侯薛侯來朝爭長薛侯曰我先封滕侯曰我周之下正也薛庶姓也我不可以後之公使羽父請于薛侯曰君與滕君辱在寡人周諺有之曰山有木工則度之賓有禮主則擇之周之宗盟異姓為後

注盟載書皆先同姓 疏周人貴 謂之宗盟則同姓在先朝則各從其爵故鄭注禮記云朝觀爵同 親先敘同姓以其篤于宗族是故 同位但就爵同之中先同姓後異姓若盟則爵雖不同先同姓也 寡人若

朝于薛不敢與諸任齒君若辱貶寡人則願以滕君為請薛侯許之乃長滕侯 公羊傳其言朝何諸侯來曰

朝大夫來曰聘 注春秋王魯王者無朝諸侯之義故內適外言如外適內言 朝聘所以別外尊內也不言朝公者禮朝受之于太廟與聘 義同 其兼言之何微國也 穀梁傳天子無事諸侯相朝

正也 注事謂巡守崩 葬兵革之事 考禮修德所以尊天子也諸侯來朝時 正也 注朝宜以時故 書時則正也 殖言同時也 注殖言謂別言也若穀伯綏來朝 鄒侯吾離來朝同時來不俱至 累

數皆至也

注累數總言之也若滕侯薛侯來朝同時俱至

蕙田案內適外言如外適內言朝聘別外內

之詞也何氏注公羊以為王魯謬矣

胡氏安國曰諸侯朝于諸侯禮乎孔子曰邦君為兩君之好有反皆周禮行人凡諸侯之邦交殷相聘世相朝也然謂之殷則得中而不過謂之世則終諸侯之世而一相朝其為禮亦節矣周衰典禮大壞諸侯放恣無禮義之交惟強弱之視以魯事觀焉或來朝而不報其禮或屢往而不納以歸無合于中聘世朝之制矣且列國于天子述所職者蓋闕如也而自相朝聘可乎凡大國來聘小國來朝一切書而不削皆所以示謙滕薛二君不特言者又譏旅見也非天子不旅見諸侯偃然受之而不辭亦以見隱公之志荒矣

張氏洽曰凡諸侯朝各書之若穀鄧偕至而朝禮不同日也累數之若鄭牟葛及今滕薛同日行禮同日行禮惟天子可受之諸侯不當然也今隱公于天子未嘗朝覲而滕薛相率以朝又不特見而使同日旅見非禮甚矣

汪氏克寬曰齊侯鄭伯如紀亦兼言之豈旅見于紀乎蓋書二君來朝則是並行朝禮書二君如紀不過同往紀國非並行朝禮也然僖二十八年兩朝王所皆諸侯並朝襄二十八年公如楚亦諸侯同往經皆不書他諸侯者春秋上魯書魯以見其餘耳

桓公二年春滕子來朝

注隱十一年稱侯今稱子者蓋時王所黜

秋七月紀侯來朝

注隱二年稱侯蓋時王所進

穀梁傳朝時此

其月何也桓內弑其君外成人之亂於是為齊侯陳侯鄭伯討數日以賂已即是事而朝之惡之故謹而月之也

六年冬紀侯來朝

七年夏穀伯綏來朝鄧侯吾離來朝

注不總稱朝者各自行朝禮也

左

氏傳穀伯鄧侯來朝名賤之也

公羊傳皆何以名失

地之君也其稱侯朝何貴者無後待之以初也穀梁

傳其名何也失國也注禮諸侯不生名失地則名失國則其以朝言之何

也嘗以諸侯與之接矣雖失國弗損吾異日也

趙氏汭曰來朝惟附庸小國稱名以其未爵命也有降爵成禮者滕杞薛之君是也有以不敬見代者杞君是也史皆不敢斥其名穀鄧於魯素無交好既以侯伯成禮復賤之而書名非人情也以當時事理推之穀鄧于魯交好不通事無本末桓公二年蔡侯鄭伯懼楚而會于鄧穀鄧二君亦以懼楚故始來朝于上國旋則亡滅不復再見故書名以詳之

九年冬曹伯使其世子射姑來朝

注曹伯有疾故使其子來朝

左氏傳

賓之以上卿禮也注諸侯之適子未嘗于天子而攝其君則以皮鼎繼子男故賓之以上卿各當其國之上卿公

羊傳諸侯來曰朝此世子也其言朝何春秋有譏父老

子代從政者則未知其在齊與在曹與注在齊者世子光也小國無大夫所以其言重

惡世子之不孝甚注世子之不孝甚穀梁傳朝不言使言使非正也使世子伉諸

侯之禮而來朝曹伯失正矣諸侯相見曰朝以待人父

之禮待人之子以內為失正矣內失正曹伯失正世子

可以已矣則是故命也注父有爭子則身不陷于不義世子廢曹伯之命可尸子曰夫已

多乎道注邵曰已止也止曹伯使朝之命則曹伯不陷非禮之愆世子無苟從之咎曹無失正之譏三者正則合道多矣

胡氏安國曰按周官典命凡諸侯之嫡子誓于天子而攝其君則下其君之禮一等未誓則以皮帛繼子男世子固有出會朝聘之儀矣然攝其君繼子男者謂諸侯朝于天子有時而不敢後故老疾者使太子攝已事以見天子急述職也諸侯闕于王事則相朝其禮本無時曹伯既有疾何急于朝桓而使世子攝哉

十五年夏邾人牟人葛人來朝注邾三人皆附庸之世子也其君應稱名故其子降稱人公

羊傳皆何以稱人夷狄之也注桓公行惡而三人俱朝事之三人為眾眾足責故夷狄之

莊公五年秋鄆黎來來朝注鄆公羊作倪黎左氏傳名未王

命也注未受爵命為諸侯德發附庸稱名例也其後數從齊桓以尊周室王命以為小邾子公羊傳倪者何小

邾婁也小邾婁則曷為謂之倪未能以其名通也黎來

者何名也其名何微國也穀梁傳鄆國也黎來微國

之君未爵命者也

二十有三年夏蕭叔朝公注蕭附庸國叔名就穀朝公故不言來凡在外朝則禮不得具嘉禮不野合

公羊傳其言朝公何公在外也注時公受朝于外故言朝公惡公不受于廟穀梁

傳微國之君未爵命者其不言來於外也朝于廟正也

於外非正也

胡氏安國曰穀齊地蕭叔附庸之君也為禮必當其物與其所而後可以言禮大夫宗婦觀而用幣則非其物也蕭叔朝公在齊之穀則非其所也嘉禮不野

台而朝公于外是委之于野矣故禮非其所君子有不受必反之于正而後止此亦春秋撥亂之意也

二十有七年冬杞伯來朝注杞稱伯者

僖公五年春杞伯姬來朝其子注杞稱伯者公羊傳其言來朝其

注杞稱伯者

注杞稱伯者

注杞稱伯者

注杞稱伯者

注杞稱伯者

注杞稱伯者

注杞稱伯者

注杞稱伯者

子何內辭也與其子俱來朝也 穀梁傳婦人既嫁不踰竟踰竟非正也諸侯相見曰朝伯姬為志乎朝其子也伯姬為志乎朝其子則是杞伯失夫之道矣諸侯相見曰朝以待人父之道待人之子非正也故曰杞伯姬來朝其子參譏也

張氏洽曰朝者人君相見于宗廟朝廷之上父在而使其子行之又使婦人參之皆失正也

吳氏曰曹伯有疾遺其世子射姑代父朝魯春秋譏之杞惠公疑亦有疾伯姬以其子為魯之甥故挾之至魯就令攝父行朝禮是年杞惠公卒成公嗣位蓋

伯姬預欲托其子于魯也杞伯失君道失夫道失父道伯姬失妻道失母道其子失子道而魯倍受其朝皆非禮也

高氏闕曰先王之制諸侯未冠而即位謂之童子侯童子侯不朝蓋不可以成人之禮接之也伯姬歸杞方十三年有子必尚幼穉如之何而勝朝乎

七年夏小邾子來朝莊述鄭黎來始得王命而來朝也邾之別封故曰小邾

十有四年夏六月季姬及鄆子遇于防使鄆子來朝鄆鄆

梁作左氏傳鄆季姬來甯公怒止之以鄆子之不朝也

夏遇于防而使來朝 公羊傳鄆子曷為使乎季姬來

朝內辭也非使來朝使來請已也 穀梁傳遇者同謀也來朝者來請已也朝不言使言使非正也以病繪子

廷魯女無故遠會諸侯遂得淫通此亦事之不然左傳近台人情

二十年夏鄆子來朝莊述鄆姓國 公羊傳鄆子者何失地之

君也何以不名兄弟辭也

劉氏敞曰若失地之君何得言朝又公羊以鄆滅在春秋前按春秋以來且九十年鄆子失地殆二世矣猶能自歸同姓躬行朝禮無乃不近人情乎

二十有七年春杞子來朝 左氏傳杞桓公來朝用夷

禮故曰子

二十有九年春介葛盧來 左氏傳介葛盧來朝舍于

昌衍之上公在會饋之芻米禮也 公羊傳介葛盧者

何夷狄之君也何以不言朝不能乎朝也 穀梁傳介

國也葛盧微國之君未爵者也其曰來卑也

冬介葛盧來 左氏傳以未見公故復來朝禮之加燕

好注燕燕禮也好好貨也一歲再來故加之

文公十有一年秋曹伯來朝 左氏傳曹文公來朝即位而來見也

十有二年春王正月杞伯來朝范注僖二十七年稱于今稱伯蓋時王所進 左氏

傳杞桓公來朝始朝公也注公即位始來朝

秋滕子來朝 左氏傳滕昭公來朝亦始朝公也

十有五年夏曹伯來朝 左氏傳禮也諸侯五年再相

朝以修王命古之制也注十一年曹伯來朝雖至此乃來亦五年

汪氏克寬曰曹伯十一年來朝越四年而又朝不翅如事天子之禮文公屢受小國之朝而不報亦猶屢朝于齊晉而不見答也

宣公元年秋邾子來朝

成公四年三月杞伯來朝 左氏傳歸叔姬故也

六年夏六月邾子來朝

七年夏五月曹伯來朝

十有八年秋杞伯來朝 左氏傳杞桓公來朝勞公且

問晉故公以晉君語之杞伯于是驟朝于晉而請為昏

八月邾子來朝 左氏傳邾宣公來朝即位而來見也

襄公元年九月邾子來朝 左氏傳禮也

六年秋滕子來朝 左氏傳滕成公來朝始朝公也

七年春邾子來朝 左氏傳始朝公也

夏四月小邾子來朝 左氏傳小邾穆公來朝亦始朝

公也

十有八年春白狄來杜注不言朝不能行朝禮

二十有一年冬曹伯來朝 左氏傳曹武公來朝始見

也

汪氏克寬曰曹武公即位三年而來朝此喪畢入見于天子之時也不朝于京師而朝于宗國會是以為禮乎

二十有八年夏邾子來朝 左氏傳邾悼公來朝時事

五禮通考卷三十三 諸侯相朝 九

也
昭公三年秋小邾子來朝 左氏傳邾穆公來朝季武子欲卑之穆叔曰不可曹滕二邾實不忘我好敬以逆之猶懼其貳又卑一睦焉逆羣好也其如舊而加敬焉志曰能敬無災又曰敬逆來者天所福也季孫從之十有七年春小邾子來朝

秋邾子來朝

定公十有五年春王正月邾子來朝 左氏傳邾隱公來朝子貢觀焉邾子執玉高其容仰公受玉卑其容俯之體也將左右周旋進退俯仰於是乎取之朝祀喪戎於是乎觀之今正月相朝而皆不度心已亡矣嘉事不體何以能久高仰驕也卑俯替也驕近亂替近疾公爲

主其先亡乎

哀公二年夏四月滕子來朝

蕙田案以上春秋諸侯朝魯

又案春秋諸侯朝于魯者十七國滕來朝五紀來朝二曹來朝四使世子來朝一杞來朝五母來朝其子一邾來朝七小邾來朝五一書邾來朝二薛穀鄧蕭鄆郟牟葛白狄來朝白狄不書朝蕭叔朝于外不書來介葛盧來二不書朝至隱元年祭伯來王畿諸侯非王命而來故不言朝聘桓六年實來則失地之君來奔非來朝也故不載

僖公十年春王正月公如齊

十有五年春王正月公如齊

杜注諸侯五年再相朝禮也例在文十五年

三十有三年冬十月公如齊 左氏傳公如齊朝且弔有狄師也

文公三年冬公如晉

十有三年冬公如晉 左氏傳公如晉朝且尋盟

宣公四年秋公如齊

五年春公如齊

九年春王正月公如齊

十年春公如齊

夏四月公如齊 左氏傳公如齊奔喪

趙氏汭曰齊惠非盟主比值晉伯中衰宣公篡立以濟西田賂齊為平州之會以定其位故終身謹于事齊不朝聘于晉黑壤之會晉人止公以賂免不得與齊既葬敬嬴則比歲朝齊齊歸其所賂田又親奔喪晚年不悅齊頃乃背齊好晉反覆皆以私也

成公三年夏公如晉 左氏傳公如晉拜汶陽之田

四年夏公如晉 左氏傳公如晉晉侯見公不敬季文

子曰晉侯必不免詩曰敬之敬之天惟顯思命不易哉夫晉侯之命在諸侯矣可不敬乎

十年秋七月公如晉 左氏傳公如晉注親弔非禮晉人止公使送葬

十有八年春公如晉 左氏傳朝嗣君也

襄公三年春公如晉 左氏傳始朝也注公即位而朝

四年冬公如晉 左氏傳公如晉聽政

八年春王正月公如晉 左氏傳公如晉朝且聽朝聘

之數

注氏克寬曰襄公嗣位甫及八年而三朝于晉自宣公媚齊之外春秋事田之禮未有若是其勤也晉悼之立未十年而魯君四朝矣豈非倍于諸侯事天子五年一朝之制乎悼公改命朝聘之數其亦知過矣

十有二年冬公如晉 左氏傳公如晉朝且拜土魴之

辱禮也

二十有一年春王正月公如晉 左氏傳公如晉拜師及取邾田也

二十有八年十有一月公如楚 左氏傳為宋之盟故公及宋公陳侯鄭伯許男如楚

汪氏克寬曰僖十八年鄭文公始朝于楚二十二年鄭伯又如楚二十四年宋成公亦如楚自是而後鄭伯屢朝于楚而陳許諸君朝楚傳亦間見蓋至于今年而中國之諸侯旅朝于楚以事天子之禮事之矣迨昭九年而諸侯之大夫亦旅見于楚矣迄哀之四年而晉亦京師聘矣世變至是聖人蓋傷之甚矣

昭公二年冬公如晉至河乃復 左氏傳晉少姜卒公

如晉及河晉侯使士文伯來辭曰非伉儷也請君無辱公還 公羊傳其言至河乃復何不敢進也 穀梁傳

恥如晉故著有疾也 五年春公如晉 左氏傳公如晉自郊勞至于贈賄無失禮

七年三月公如楚

十有二年夏公如晉至河乃復 穀梁傳季孫氏不使遂乎晉也

十有三年冬十月公如晉至河乃復 左氏傳公如晉晉荀吳謂韓宣子曰諸侯相朝講舊好也執其卿而朝其君有不好焉不如辭之乃使士景伯辭公于河

十有五年冬公如晉 左氏傳平邱之會故也

二十有一年冬公如晉至河乃復 二十有三年冬公如晉至河有疾乃復 公羊傳何言乎公有疾乃復殺恥也 穀梁傳疾不志此其志何也

釋不得入乎晉也 二十有七年春公如齊 莊注自鄭行

冬十月公如齊 二十有八年春公如晉次于乾侯

二十有九年春公如晉次于乾侯
定公三年春王正月公如晉至河乃復

呂氏曰魯之所如者齊也晉也其者則朝遠夷之君而齊晉未嘗朝魯也魯之所受朝者滕也邾也薛也杞也曹也否則夷狄之附庸而滕邾薛杞曹未嘗一受魯之朝也蓋齊晉盛也楚則所畏也滕邾薛杞則土地狹隘而不能與魯抗也僖公立三十三年朝王所者再而如齊者二成公立十有八年如京師者一而如晉者四他無有朝王所如京師者矣

蕙田案以上魯朝大國

又案春秋魯君所朝者齊晉及楚三國而已
如齊者八如晉者十三如晉至河而復者六
如楚者二至哀公如越在春秋以後故不載
又莊公如齊者三一為觀社一為納幣一為
逆女桓公及夫人姜氏如齊者一皆無關於
朝禮亦不載

右春秋諸侯相朝

五禮通考卷第二百二十八

